



ル 5  
4024  
4





292.216  
Solle  
3  
中  
文  
(大  
野)

15  
4024  
4

長安志卷第十二



長安縣 唐赤令 本漢舊縣蓋秦之地名也 沅案元和郡縣志云秦舊縣非 史記

秦始皇本紀曰王弟長安君成蟜將兵擊趙又曰盧縮封長安

侯長安故咸陽也漢書曰楚懷王封項羽為長安侯 沅案史記云封項羽

為魯公封長安侯此節文 又曰長安縣高帝五年置屬京兆尹

括地志曰案史傳所載長安之名舊矣又盧縮封之初項羽尚

未滅蓋長安得名非始于漢但未詳所在耳及高帝五年入關

乃取長安以名縣也司馬遷云長安故咸陽縣據當時之名因

終說其事非謂封縮之日改咸陽為長安矣又案史記趙亦有

長安君未詳趙取嘉名 王莽曰常安唐賈耽郡國縣道記曰長

安縣故城今謂之苑城漢京兆府在故城內上冠里其縣治今

長安志卷第十二

早稻田大學  
文學部圖書

< 99-476 >  
昭45・教育研究  
45-1201



失其所在長安蓋古鄉聚名在渭水南隔渭水北對秦咸陽宮

漢於其地築未央宮謂大城曰長安城沅案太平寰宇記云歷後漢魏晉苻姚後魏及

周不改又案後漢以咸陽縣來并此缺載隋開皇三年遷都徙縣治長壽坊西南隅

括地志曰案今縣界兼有周鎬京及杜伯國之地鎬京在今縣治西北十八里鎬池是杜伯國在今縣治東南九里下杜故城

是又有漢奉明縣地今縣治北八里奉明故縣治是沅案奉明漢屬京兆郡宣帝置領市一坊五十四唐

總章元年析置乾封縣沅案舊唐書云乾封元年置治懷真坊長安三年省

梁開平元年改爲大安縣後唐同光三年復舊

縣境東西四十里南北一百五十二里

六鄉管六里唐五十九鄉有渭陰鄉見于下餘不傳沅案李至遠撰騶虞縣子安附國神道碑云葬于雍州長安縣孝悌鄉之原張竟然撰忠武將軍茹義忠神道碑云葬于京兆長安縣永平鄉阿房殿之墟則皆唐鄉名也

義陽鄉在縣西南二里管布政里沅案裴耀卿撰冀公希球神道碑云薨于長安布政里賜

第

善政鄉在縣西一十五里管安化里

同洛鄉在縣西南四十里管安寧里

豐邑鄉在縣西二十里管龍臺里

苑西鄉在縣北三里管崇徵里

華林鄉在縣南一十五里管居安里

子午鎮在縣南四十里至東社角邨景祐二年置以南山子午

谷爲名

社壇在縣西南五里光德坊

黃帝壇

百神壇



赤帝壇以上並在縣南一十里安化門外

白帝壇在縣西一十里開化門外

夕月壇在縣西一十里開遠門外

兩師壇在縣西一十里金光門外

黑帝壇在縣北二十里中橋

司中司命壇在縣西北一十里開遠門外

社角鎮在縣南四十五里又有西社角

秦社鎮在縣西南灃水西四十里入鄠縣路

臨皋驛在縣西北一十里開遠門外今廢

子午關在縣南一百里漢書曰平帝元始五年王莽通子午道

因置關今廢沉案漢書王莽傳云莽以王后有子孫瑞通子午道此敏求以意增改又曰子午道

從杜陵直絕南山徑漢中師古曰子北方也午南方也言通南

北道相當故謂之子午耳今京城直南山有谷通梁漢道者沉案

漢書注名子午谷括地志曰漢書王莽以皇后有子孫瑞通子

無者字王莽以皇后有子通子

午道從杜陵直抵終南中橋渭水渡在縣北二十六里

嘉麥渭水渡在縣北二十六里

段畱渭水渡在縣東北二十六里

北灃店灃水渡在縣西四十里

南灃店灃水渡在縣西四十五里

南山一名終南山在縣南七十里連乾祐縣界

龍首山在縣北十里三秦記曰龍首山長六十里頭入渭水尾



達樊川頭高二十丈尾漸下可六七丈土赤不毛秦時沉案初學記引

此作云昔時有黑龍從南山出飲渭水其行道因成土山括地志曰今案山首

在長安故城中自漢築長安城及營宮殿咸以湮平其餘即今宮城之太倉以東是也

武將山長安記曰長安城西北有武將山即前漢末辛孟所隱

之處沉案今縣無武將山而太平寰宇記及此記武將山皆無去縣道里是誤會長安記長安城西北之言而附此也三

秦記亦云長安城西有九嶼山蓋後漢省咸陽入長安其所云在西去縣甚遠即今醴泉縣境然則武將山亦當以在醴泉為是矣醴泉在後

漢長安西北也

少陵原在縣南四十里東接萬年縣界西入縣界五里

高陽原在縣西南二十里

細柳原在縣西南三十三里

尖邱在縣西北一十五里今謂之尖邱社

渭水西在鄂縣界流入水經注曰渭又東過長安縣北豐水從

南來注之沉案此當云水經不當有注字今本但云渭水過槐里縣南又東豐水從南來注之又東過長安縣北在

後

豐水一作鄭又作豐出縣西南五十五里終南山豐谷其原闊一十五

步其下闊六十步水深三尺自鄂縣界來經縣界絲馬坊邨入

咸陽合渭水詩曰豐水東注維禹之績箋云昔堯時洪水而豐

水亦汜濫為害禹治之使入渭東注于河禹之功也文王武王

今得作邑于其旁地為天下所同心而歸太王為之君乃由禹

之功故引美之豐邑在豐水之西鎬京在豐水之東詩又曰豐

水有芑武王豈不仕貽厥孫謀以燕翼子夏書曰漆沮既從豐

水攸同顏師古曰豐水出鄂之南山言沮水既從入渭豐水亦



同來也又張揖曰豐水出鄂南山豐谷北入渭文子曰老子云  
豐水之深十仞而不受塵垢金鐵在中形見於外決錄注曰鎬  
在豐水東豐在鎬水西相去二十五里水經注曰豐水出豐溪  
西流分爲二水一水東北流爲支津一水西北流又北交水自  
東入焉又北昆明池水注之又北經靈臺西又北至石墩注于  
渭又曰渭水東與豐水會短陰山無他高山異巒唯原阜石墩  
而已沅案水經注作石激又水注文多數字水上舊有便門橋括地志曰豐水渠  
今名賀蘭渠東北流注交水

鎬水或作瀉出縣西北十八里鎬池水經注曰鎬水上承鎬池於

昆明池北周武王之所都也故詩云考卜維王宅是鎬京維龜  
正之武王成之鎬水又北流沅案水經注有西北注三字與滄池水合又北

經清泠臺西沅案太平寰宇記作清靈經慈石門注于渭帝王世紀曰今鎬

池卽周之故都也廟記曰長安城西有鎬池在昆明池北周匝

二十一里蓋地二十三頃史記曰始皇帝三十六年使者從關

東來夜過華陰沅案史記關東下無來字云過華陰平舒道望見素車白馬從華山

上下沅案此十一字史記所無持璧與客曰沅案史記云百人持璧遮使者曰爲我沅案史記我作

遺鎬池君因言曰今年祖龍死使者問其故因忽不見置其

璧去使者奉璧具以聞始皇默然良久曰山鬼不過知一歲事

退言曰祖龍者人之先也使御府視璧乃二十八年行渡江所

沈璧也蘇林曰祖始也龍人君象謂始皇也張晏曰武王居鎬

鎬池君則武沅案卽郡國志也師古曰鎬池在昆明池北後漢志曰

鎬在上林苑中孟康曰長安西南有鎬池古史考曰武王遷鎬



長安豐亭鎬池也皇覽曰文王周公冢皆在鎬聚東杜中括地志曰

今案鎬池水又北流入永通渠不至慈石門亦不復渭矣今圖經瀆水在縣西四十里其水自鄠縣界入本縣界十里入清渠沅案史記索隱引括地志云今案瀆水流入來通渠來永字之誤又案皇覽知文武周公葬今杜曲無復邱隴也

漉池水出縣西北二十里漉池詩曰漉池北流浸彼稻田毛萇

注曰漉流浪也鄭元云豐鎬之間水北流也括地志曰今案其池周十五步沅案

太平寰宇記云漉水亦謂聖女泉又曰高都水蓋以其與沈水通也

澇水來自鄠縣界流入渭

澇水在縣南一十里東自萬年縣界流入師古曰澇音決

交水一作郊東自萬年縣界流入水經注曰交水又西南流與豐

水支津合其北又有漢故渠出焉又西至石塢分為二水一水

西流注豐一水自塢石北經細柳諸原北流入昆明池圖經曰郊河水

在縣南三十二里自萬年縣界經本縣三十里合豐水沅案水經注文與此皆不同

戲水水經注曰源出驪山沅案水經注曰戲水出驪山馮公谷此水在臨潼不知敏求何由誤入此

縣樂史亦然

坑谷沅案坑即沈字之俗亦澇水也下皆放此水在縣南二十七里自萬年縣界流

經本縣五里合交水

梗梓谷水出南山北流合成國渠又西北豹林谷水入焉又西

北流至縣東南三十里入交水豹林谷水出南山北流三里有

竹谷水自南來會又北流二里有子午谷水自東來會自北以

下亦謂之子午谷水圖經豹林谷水子午谷水並合入郊河

龍驪谷水合郊河

太河谷水合郊河



灃谷水合豐水西北入城經西市而入苑沈水自南入焉有福堰下分爲二水流一里一水合郊水一水西北流又東流爲瀆越沈水上過名永安瀆

清明渠東南自萬年縣流入西北流又屈而東北流入京城沉案

太平寰宇記云清明渠亦在大安坊開皇初引沈水西北流入城經太社尚食局將作監內侍省而入宮城卽此

永通渠隋開皇四年開起縣西北渭水與城堰初名富民渠仁壽四年改

野韭澤卽漢牛首池也在縣西北三十八里

漕河在縣南一十五里自萬年縣界來經縣界五里入于渭漢

書武帝元光六年春穿漕渠通渭沉案此卽瀆水水經注云沈水亦曰漕渠是

龍首渠在縣東北五里自萬年縣界流入而注于渭

明渠漢時渠也水經注曰在長樂宮桂宮之間沉案此節水經注文

清渠在縣西五十里自鄠縣界來經縣界十八里入於渭

漆渠在縣西二十里舊自縣之坑河分水經縣界二十里入漕

河漢書曰漢穿渠通漆水故曰漆渠括地志曰胡亥將運南山之漆而開此渠沉案漢書

無此文蓋敏求誤引耳又案水經注云開山圖曰麗山西北有温池温池西南八十里岐山在杜陵埤有渠謂之漆渠卽此而

胡亥事則不知所本

永安渠隋文帝開皇三年開在縣南沉案灃谷水一名永安瀆此名永安渠名本同也二

條宜在一處析之者非引交水西北入城經西市而入苑沈水自南入焉

有福堰下分爲二水流一里一水合交水一水西流又東流爲

瀆越沈水上過流名永安瀆沉案此卽灃谷水以是水利故複載于後漕河同

漕渠唐天寶二年京兆尹韓朝宗引渭水入金光門置潭于西



市以貯林木大歷元年尹黎幹自南山谷口開漕渠抵景風延喜門入苑以漕薪炭

石闔堰在縣西南三十二里水經注曰交水西至石場漢武帝元狩三年穿昆明池所造

昆明池在縣西二十里今為民田沉案漢書注臣瓚曰在長安西南周回四十里

定昆池在縣西南十五里景龍文館記曰安樂公主西莊在京城西延平門外二十里司農鄉趙履溫種殖將作大匠楊務廉引流鑿沼延袤十數里時號定昆池通典曰神龍中安樂公主恃寵請昆明池中宗不與主發怒自以家財別穿池號曰定昆池

鶴池在縣西十里

盤池在縣西北二十里

雁鶩陂廟記曰在鎬池北地方六頃承昆明池下流

河池陂水經注曰昆明故渠上承昆明池而沉案而字當為東口二字東經

河池陂而北亦曰女觀陂

雍門顏師古曰在長安西北孝里西南去長安三十里廣記曰

趙父家在門西即鈞弋趙后父也

長安故城在縣西北十三里沉案元和郡縣志云周回六十五里漢長樂宮在縣西北十四里漢

未央宮在縣西北十五里並在長安故城中

下杜城在縣南一十五里其城周三里一百七十三步春秋左氏傳晉范宣子曰昔句之祖在周為唐杜氏杜預注曰周成王滅唐遷之於杜為杜伯國語曰周宣王四十三年杜伯入為王



卿士無罪而王殺之史記曰秦武公十一年初縣杜卽此地也  
 括地志曰蓋宣王殺杜伯以後子孫微弱附於秦及春秋後武  
 公滅之爲縣漢宣帝時修杜之東原爲陵曰杜陵縣更名此爲  
 下杜城沅案太平寰宇記云廟記曰下杜城杜伯所築東有杜陵在安仙門南七里  
 原城在底下故曰下杜杜伯冢在城之東南  
 秦阿房宮一名阿城在縣西二十里沅案史記正義引括地志及元和郡縣志云在縣西北十  
 四里西北三面有牆南面無牆周五里一百四十步崇八尺上  
 闊四尺五寸下闊一丈五尺今悉爲民田十六國春秋曰苻堅  
 建元二十年慕容冲據阿房城初民謠曰鳳皇鳳皇上阿房堅  
 以鳳皇非梧桐不棲非竹實不食乃植桐數千萬株于阿城以  
 待鳳皇之至冲小字鳳皇終爲堅賊

漢未央宮在縣西北一十四里沅案史記正義同此元和郡縣志云十五里誤石虎建

武十一年發雍州梁州十六萬人城長安未央宮餘見唐禁苑

中

建章宮在縣西北二十里

長樂宮在縣西北十五里沅案史記正義同此元和郡縣志云十四里誤

桂宮在縣西北十三里

柏梁臺在未央宮北沅案玉海引此有云廟記曰在北闕內道西又有注云三秦記曰上有銅鳳名鳳闕

疑此脫文

漸臺在未央宮西

神明臺在縣西北二十里長安故城西

苻堅姚萇宮在長安故城內



後周宮室在長安故城中隋文帝開皇三年遷都以後並灌為陂即漲陂是

漢博望苑在縣北五里

上林苑在縣西南一十四里周二百四十里沉案舊本作二十四里今據元和郡

縣志改正

玉真觀在縣西北四里

金仙觀在縣西北三里

開元觀在府城西北街

永慶寺在縣南六十里太和谷口沉案元和郡縣志云太和宮在縣南五十五里終南山太

和初唐武德八年造太和宮貞觀十年廢二十一年太宗厭禁

內煩熱公卿重請修築命將作大匠閻立德再葺焉號翠微宮

籠山為苑宮北開曰雲霞門有翠微殿含風殿太子宮西開曰

金華門有安善殿元和中改為翠微寺皇朝太平興國三年改

今名

開利寺在縣南三十里皇甫邨唐香積寺也永隆二年建皇朝

太平興國三年改

三會寺在縣西南二十里宮張邨唐景龍中中宗幸寺其地本

倉頡造書堂

太寧寺在縣西南五十里江雷邨唐靈感寺也景龍二年建皇

朝太平興國三年改

興教院在縣南六十里梗梓谷口本百塔信行禪師塔院唐大

歷六年建皇朝太平興國三年改



嚴福寺在縣南五十里董邨唐咸通七年置本翠微下院皇朝太平興國三年改

妙果尼寺在府西南舊為西臺寺唐御史臺也有崔湜所撰御史臺精舍碑皇朝開寶中改

石門山神廟在縣西一十三里劉弼橋西

石炭堰神廟在縣西南四十里荆任邨唐貞元十四年置

石父廟

石婆神廟並在縣西南三十五里昆明池右張衡西京賦曰昆明靈池黑水元沚牽牛立其左織女處其右注云立牽牛織女於池之東西以象天河今石人宛在後人名石父石婆云  
河伯廟在縣北二十六里中橋邨

漢高祖廟在縣西四里班政坊皇朝開寶三年勅修

雍侯廟在府城北街漢元年立秦王將分關中以章邯為雍王都廢邱自漢遷都長安而雍地無復侯王之名章邯死廢邱而廟食長安亦雍之舊地又雍齒亦侯未知孰是

安平公廟在府西街隋宇文愷封安平公文帝開皇中遷都城實愷之功故廟食存焉

周穆王陵在縣西南二十五里張恭邨沅案元和郡縣志無太平寰宇記有

樗里子墓在縣東北長安故城中史記樗里子秦惠王之弟昭王七年卒葬於渭南章臺之東謂人曰沅案史記無謂人二字後百歲當

有天子之宮夾我墓也沅案史記無也字至漢興長樂宮在其東未央

宮在其西武庫正直其墓秦人諺曰力則任鄙智則樗里樗里侯室



在昭王廟西渭南陰鄉  
栲里故谷謂之栲里子

唐息隱太子陵在縣境

恭懿太子陵在高陽原

沉案已上二陵太平寰宇記無而有李靖墓在縣南二十里居安坊此不載考李靖陪葬昭陵當在醴泉樂史云在此誤也

長安志卷第十二

思賢講舍校刊

長安志卷第十三

縣三

咸陽

咸陽縣

周畿今次畿正東微南至本府四十里

本周王季所都秦舊縣也孝公十

二年於渭北城咸陽

沉案史記秦本紀云孝公十二年作為咸陽始皇本紀云十三年始都咸陽自

汧隴徙都焉三秦記曰咸陽秦所都在九嶷山南渭水北山水

俱陽故名咸陽

李吉甫元和郡縣圖志山南曰陽水北亦謂秦之陽縣在北山之南渭水之北故曰咸陽秦

自孝公惠文悼武昭襄王始皇二世胡亥竝都之始皇二十六

年一天下收天下兵聚之咸陽徙天下豪富二十萬戶於咸陽

胡亥時閭樂為咸陽令

沛公元年秦二世子嬰降漢項羽引兵西屠咸陽

殺子嬰燒秦宮室火三月不滅漢高帝元年更名新城七年罷



入長安元鼎三年更曰渭城縣屬右扶風王莽改曰京城後漢省入長安按秦咸陽在今縣東二十里故城是也

沅按史記正義引括地志

云咸陽故城亦名渭城在雍州北五里今咸陽縣東十五里元和郡縣志云今縣東二十二里太平寰宇記云十五里又各不同

漢渭城縣亦治于此沅按漢長陵安陵陽陵平陵故治皆在此縣而敏求俱缺載平陵與興平為界

則見前趙石勒於渭城置石安縣秦苻堅於今縣東北長陵置興平

咸陽郡後魏太和二十年徙咸陽郡於涇水北今涇陽縣是也

隋開皇初郡廢九年改涇陽為咸陽十一年徙故咸陽城西三里屬雍州即秦之杜郵也大業二年省入涇陽唐武德元年復

析涇陽始平置咸陽縣屬京兆郡寄治鮑橋沅案舊唐書地理志云初治鮑橋其

年移與此不同三年徙白起堡六年又徙便橋西北即今縣也天授二

年武后以其母順陵在縣界陞為赤縣神龍元年沅案太平寰宇記云元年

十月復為畿今為次畿

縣境東西七十五里南北四十八里

五鄉管五里唐二十鄉有五雲鄉長陵鄉餘皆不傳沅案庾信撰大將軍爾蘇永神道碑云葬于京城南高陽原

高司里亦古里名高陽原今在縣東三十里

河南鄉在縣南管資川里

平原鄉在縣北管平城里

安業鄉在縣北管介公里

龍首鄉在縣北管慶雲里

奉賢鄉在縣東管奉城里

縣城崇一丈五尺壕深九尺闊一丈二尺周四里

中橋鎮在縣東二十五里



陶化驛在縣郭下東去府四十里西去興平縣四十五里

臨皋驛在縣東南二十里

溫泉驛在縣西二十里今廢

渭河浮橋在漢渭城縣南北兩城中間架渭水上沅案元和郡縣志云便橋

在縣西卽漢之便橋也漢書曰武帝建元三年春初作便門橋沅案舊本

脫門字 蘇林曰去長安四十里服虔曰在長安西北茂陵東

去長安二十里沅案今本漢書注無去長安二十里六字水經注云張昌曰橋在長安西北茂陵東如淳曰去

長安四十里 顏師古曰便門長安城北面西頭門卽平門也古者平

便皆同字於此道作橋跨渡渭水以趨茂陵其道平易沅案漢書注云

直卽今所謂便橋是其處也便讀如本字唐末廢皇朝乾德四年重修後爲暴水所壞淳化三年徙置孫家灘至道二年復修

於此元和郡縣圖志曰長安城西門曰便門此橋與門相對故名便橋沅案水經注云水上舊有便門橋與便門對值

中渭橋在縣東南二十里沅案史記正義引括地志云在雍州咸陽縣東南二十二里與此不同者

據武德時本名橫橋沅案漢書武五子傳云焚蘇文於橫橋上縣治而言孟康曰橫音光師古曰卽橫門渭橋也

架渭水上水經注曰秦始皇作離宮於渭水南北以象天宮故

三輔黃圖曰渭水貫都以象天漢橫橋南渡以法牽牛渭水南

有長樂宮北有成陽宮欲通二宮之間故造此橋廣六丈南北

三沅案舊百八十步洞六十八柱七百五梁二百二沅案水經注作六十

二十八間七百下二橋南北沅案水經注作有隄激立石柱柱

南京兆主之柱北馮翊主之有令丞各領徒一千五百人張釋

之傳上行出中渭橋張晏曰在渭橋中路漢末董卓入關遂燔

之魏武帝更造舊圖經曰劉裕入關又毀之後魏重造唐貞觀



十年廢

沅案元和郡縣志云貞觀十年移于今所

三輔舊事曰漢承秦制造橫橋置

都水令以掌之號石柱橋水經注曰秦始皇造橋鐵斂重不勝

故刻石作力士孟賁等像祭之斂乃可移動也橋之北首壘石

中舊有村畱神像此神嘗與魯班語班令其人出村畱曰我貌

醜沅案水經注作很醜

卿善圖物容我不能出班于是拱手與言曰出頭

見我村畱乃出首班以脚畫地村畱覺之便還沒水故置其象

於水中惟背以上出水

沅案水經注作立水上

其後魏武帝重造村畱之

像因乘馬見之驚又命下之水中

沅案水經注云曹公乘馬見之驚又命下之其後至末敏

求增損之

中橋渡在縣東二十五里

安劉渡在縣東三十五里

兩寺渡在縣西十五里淳化三年廢

嘉麥渡在縣東三十五里

畢原在縣北詩曰終南何有有紀有堂毛注曰紀基也堂畢道

平如堂也鄭注曰畢終南山之道名邊如堂之牆然尙書曰周

公薨成王命葬公於畢劉向傳曰文武周公葬于畢師古曰畢

陌在長安西四十里三輔故事曰文王武王周公皆葬畢陌南

北沅案元和郡縣載兩畢原極明其萬年縣云畢原在縣西南

二十八里書序云周公薨成王葬于畢是也此謂杜曲蓋合

皇覽鎬聚之說其咸陽縣畢原云即縣所理也左傳曰畢原鄭

邠文之昭也亦謂之畢陌蓋合杜預畢國之說是以長安西南

畢原爲文武周公葬于畢之畢以咸陽北畢陌爲周時畢國太

平寔字記亦然惟敏求據師古之說引文武周公葬畢之事以

爲在此然師古以爲長安西不云又案春秋左氏傳曰王使詹

桓伯辭于晉曰我自夏后稷魏駘芮岐畢吾西土也蓋武王克



商之後以其地封文王次子又曰畢原沅案舊脫此字酆郇文之昭杜

注曰畢在長安西北關中記曰高陵北有畢原陌此謂原之陌

也秦謂池陽原漢長坂元和郡縣圖志曰畢原即縣所理原南北數十里東西二三百里無山川陂湖

井深五十丈亦謂之畢陌漢朝諸陵並在其上下又

名石安原即石勒置石安縣之所按石安原見涇陽

短陰原在縣西南二十里沅案水經注云地說云渭水又東與

異巒所有唯原阜石激而已渭水西自興平縣界來流入高陵縣界沅案元和郡縣志云渭水南去縣三里

豐水在縣西十一里自長安縣界來流至宋邨合入渭水水經

注曰渭水又東與豐水會于短陰山內其水經南山郊水合流

沅案其水已下九字敏求語

馬跑泉在縣西二十五里

要冊泉在縣北八里

下邨泉在縣西北一十五里

李邨泉在縣西北十里

蘭池陂即秦之蘭池也在縣東二十五里沅案水經注云渭城地理志曰縣有蘭池

宮秦始皇微行逢盜於蘭池今不知所在史記封禪書穿蒲池溝水正義曰括地志云渭北咸陽縣有蘭池始皇逢盜蘭池者

也言穿溝水入蘭池也疑蘭字誤作爲蒲重更錯矣

周氏陂周十三里舊圖經曰漢周勃冢在此其子亞夫有功遂

賜此陂故地以氏稱之長安圖曰周氏曲在咸陽縣東南三十

里李善曰今周氏陂南一里有漢蘭池宮

興成渠在縣西十八里唐李石爲相奏咸陽令韓遼治之東建

永豐倉自秦漢以來疏鑿爲漕渠起咸陽抵潼關三百里無車



輓之勞其後堙廢自此復之

細柳倉在縣西南三十里漢舊倉也文帝後六年周亞夫為屯將軍次細柳服虔曰在長安西北如瀆曰長安細柳倉在渭北近石徼張揖曰在昆明池南今有柳市是也師古曰匈奴傳云置三將軍軍長安西細柳渭北棘門霸上此則細柳不在渭北揖說是也三輔故事曰周亞夫軍于細柳今石徼是也石徼西有細柳倉城東有嘉禾倉樊噲傳柳中即細柳地也在長安西沅案史記索隱云按三輔故事細柳在直城門外阿房宮西北維也棘門在縣東北十八里漢文帝後六年徐厲為將軍次棘門沅案徐廣史記注云表作松茲族姓徐名悍孟康曰在長安北秦時宮門也如瀆曰三輔黃圖棘門在橫門外

杜郵亭在縣西南二十八里

沅案地形志云石安有杜郵亭今本地地形志作鄠非白起自

刎之處水經注曰杜郵亭在咸陽西十七里

沅案今本水經注作去咸陽十七里

脫西今名孝里亭中有白起祠三秦記曰長安城西有九峻山

西有杜山又有畢陌西北有孝里西有白起墓杜預曰畢國在西北

杜郵館在古縣城東

曲郵在縣境漢書高帝征黥布張良送至曲郵

交道廢去長安六十里近連陵

秦咸陽故城在縣東二十里

沅案元和郡縣志作二十里太平寰宇記同此漢渭城

亦治於此

沅案水經注云安陵北有安陵縣故城又曰故渠又東逕姜原北又東逕平陵縣故城南則二縣故城在

此縣境敏求皆缺載



隋故縣城在縣東二十二里渭水北即秦之杜郵其城周八里

沅案史記正義引括地志云今咸陽縣古之杜郵白起死處即指此城又曰在雍州西北三十五里

唐故縣城在渭河北杜郵館西城崇一丈五尺沅案此武德三年已前縣城也

祥谷水合豐水

白谷水合豐水

聖女泉出縣西二十里昆明池北平地上周十步西北流五十

步與牧豬泉合圖經曰水池在縣西北五里按十道志長安西有滄池亦名聖女泉蓋滄池水相近也

野韭澤即漢牛首池地在縣西北三十八里沅案太平寰宇記在長安

漕河在縣南十五里自萬年縣界來經縣界五里入于渭漢書

武帝元光六年春穿漕渠通渭

龍首渠在縣東北五里自萬年縣界流入注于渭沅案此隋龍首渠

清渠在縣西五十里水經注曰在長樂宮桂宮之間

清渠在縣西五十里自鄠縣界來經縣界十里流注于渭

漆渠在縣西南二十里舊自縣之坑河分水經縣界二十里入

漕河漢書曰穿此渠通漆水故曰漆渠括地志曰胡亥築阿房宮開此渠而運南山之

漆沅案史記漢書俱無此語敏求誤引

永安渠隋文帝開皇三年開在縣南引交水入宮之北門唐明皇自

蜀還京肅宗至望賢宮迎明皇帝親籠馬行數十步執鞭引道過渠入宮

唐望賢宮在縣東數里開遠門外

善因寺唐穆宗由複道幸咸陽止于此寺

周文王廟二處一在縣西一在縣東相去各十五里沅案地形志石安有

周文王祠即此



武王廟在縣北五里

成王廟在縣西十五里

康王廟在縣北七里

漢呂太后廟在縣東北三十五里

景帝廟在縣東北十五里

武帝廟在縣東北八里

介子推廟在縣西北三十五里

武安君秦將白起廟在縣五里

四皓廟在縣東二十五里

漢高帝時人商山隱士也沅案地形志石安有四皓祠即此

漢鄜侯蕭何廟在縣西三十里

沅案舊本鄜作鄠此字實當為鄠从盧聲

周文王陵在縣北十五里

沅案史記秦始皇本紀云惠文王葬公陵正義曰括地志云秦惠文王葬

在雍州咸陽縣西北一十四里

尚書曰周公薨成王葬於畢注曰不敢臣周公

故使近文武之墓孟子曰文王生於岐周卒於畢郢注曰太子

發上祭于畢下至於盟津畢文王墓近鎬也漢書劉向傳曰文

武周公葬於畢師古曰畢陌在長安西四十里皇覽曰文武周

公冢皆在京兆

沅案舊本京兆二字作長安誤今据裴駮史記注引改正又文武裴作文王武王

長安

鄠聚東杜中又曰秦武王冢在扶風安陵縣西北畢陌中大冢

是也

沅案劉昭注郡國志安陵縣下亦引此文

人以爲周文王冢非也文王冢在杜

中

沅案裴駮史記注亦引此文皇覽以此爲秦文王武王所葬元和郡縣志咸陽縣亦不載文王陵也

武王陵在縣北十五里

沅案史記秦本紀云悼武王葬永陵徐廣曰皇甫謐曰葬畢今安陵西畢陌正

義曰括地志云秦悼武王陵在雍州咸陽縣西十里俗名周武王陵非也又云武王墓在雍州萬年縣西南二十八里畢原上

此以周武王陵爲在今杜曲也



成王陵在縣西北二十里

康王陵在縣北十五里

沅案已上二陵元和郡縣志無太平寰宇記有

漢高祖長陵縣在縣東三十五里

沅案史記正義引括地志云在縣東三十里太平寰宇記

亦云長陵在縣東三十里長陵故城在今縣東北四十里與此不同

漢書曰在長安北四十里

沅案

當云漢書注臣瓚曰呂后六年城長陵張晏曰起縣邑故築城也師古曰

此說非也黃圖云長陵城周七里一百八十步因為殿垣門西

出及便殿掖庭諸宮寺皆在中是即就陵城為非止謂邑居也

皇甫謐曰長陵山東西廣一百二十步高十三丈在渭水北去

漢長安城三十五里關中記曰長陵城有南北西三面東面無

城陪葬者皆在東徙關東大族萬家以為陵邑長陵令秩祿千

鍾諸陵皆六石

呂后陵在高祖長陵東

沅案裴駮注史記云皇甫謐曰合葬史長陵皇覽曰高帝呂后山各一所也

記外戚世家曰高后合葬長陵注曰漢帝后同塋則為合葬不

合陵也諸陵皆如此

沅案此裴駮引關中記

惠帝安陵在縣東三十五里

元和郡縣圖志陵在縣東北二十里沅案太平寰宇記同元和郡縣

志又案裴駮引皇甫謐曰去長陵十里去長安北三十五里長安北即咸陽東也

臣瓚曰在長安北三

十五里三輔黃圖曰去長陵十里關中記曰徙關東倡優樂人

五千戶以為陵邑善為啁戲故俗稱女啁陵也

沅案地形志云石安有安陵城

四皓祠在安陵西

張敖冢在安陵東三十里

冢上有五嶽之像今人謂之五嶽冢沅案元和郡縣志太平寰宇記俱無

景帝陽陵在縣東十五里

沅案史記正義引括地志及太平寰

宇記俱同元和郡縣志

漢書曰景帝五年作陽陵也後三年葬陽陵臣瓚



曰陵在長安東北四十五里帝王世紀曰陽陵山方一百二十步高四十丈

昭帝平陵在縣東北一十三里

沅案太平寰宇記同此水經注云東南去長安七十里元和郡

縣志云在縣西北二十里又案太平寰宇記云故城在縣東北七十里

漢書曰帝作陵制令流水

而已石椁廣一丈二尺長二丈五尺無作墳陵東北作廡長三

丈五步外為小廚裁足祠祀萬年之後埽地而祭

沅案此見三輔黃圖

瓚曰陵在長安西北

沅案當云在長安西北七十里又案河南通志云漢昭帝陵在洛陽縣非

元帝渭陵在縣東北一十三里

沅案太平寰宇記同此元和郡縣志云在縣西北七里

瓚曰陵在長安北三十六里

王莽遣使壞渭陵園門罾罟曰無使民復思漢氏也沅案此出三輔

黃圖

成帝延陵在縣西北十五里

沅案太平寰宇記同此元和郡縣志云在縣西北十三里

曰成帝葬延陵在扶風去長安六十二里

沅案此當關中記曰

延陵在長安西北四十里渭陵之東延陵是也成帝起延陵城

邑以成言事者以為不便乃更造昌陵在霸城東二十里運沙

渭濱取東山土東山土與粟同價所費巨億數年而陵不成谷

永等奏昌陵積土為高山樟邨猶在實土之上浮土之下非永

年之基延鄉之地居高臨下道貫二州二十餘縣宜還就延鄉

乃遣衛尉滄于長行視長奏宜如永等議乃徙延陵而棄初言

者將作大匠郭萬年於敦煌配役

三輔舊事曰成帝作延陵及起廟寶將軍有青苗地在廟

角恐犯蹈之故言作陵不便乃徙昌陵取十一餘里土與粟同價

哀帝義陵在縣西八里

沅案太平寰宇記同此元和郡縣志云在縣北八里

漢書臣瓚曰

義陵在右扶風去長安四十六里



平帝康陵在縣西二十五里沉案元和郡縣志太平寰宇記俱云在縣西北九里漢書臣

瓚曰在長安北六十里舊圖經曰康陵在興平原口沉案三輔黃圖云在

興平原口

漢傅太后廢陵水經注曰在霸城西北沉案水經注云恭王廟在霸城西北廟西北即

傅太后王莽奏毀其陵沉案水經注作奏毀傅太后冢今其處積土猶高謂之增

塹又謂之增阜沉案舊本其處作本處塹作屏阜作埠非

唐代祖元皇帝興寧陵在縣東三十五里五雲鄉周五里

承天皇帝順陵在縣東北二十五里長陵鄉周二里此陵乃武后之父母

也追贈皇帝皇后沉案已上二陵太平寰宇記無

周太公墓在縣東二十五里沉案元和郡縣志云太公墓在縣東北十里太平寰宇記云在縣東

北二十五里周尚父齊太公呂望也鄭元曰太公受封于齊留為太

師五世之後乃歸葬于齊沉案皇覽

十里則古以爲在山東也

周公墓在縣東北三十里沉案裴駟引皇覽云周公冢在京兆長安鎬聚東杜中則當在長安杜曲

史記正義引括地志云周公墓在雍州咸陽北十三里畢原上元和郡縣志同與皇覽異不知何据皇覽魏時書當近古可信

也太平寰宇記云在縣北一十里又不同

漢蕭何墓在縣東北三十七里沉案今志云三十里恐非今縣即唐宋治也又敏求云何墓在

此本東觀漢記及括地志而今城固縣志及河南永城縣志竝載何墓蓋傳譌矣

曹參墓在縣東北三十五里沉案今方志云二十五里二當爲三

張良墓在縣東北三十六里沉案今方志云三十五里五當爲六留侯陪葬長陵

與高祖長陵相去五里沉案史記留侯世家云留侯死竝葬黃石冢史記正義曰括地志云漢張良墓

在徐州沛縣東六十五里與雷城相近敏求以爲在此未知何据



揚雄墓按揚雄家諫日子雲以天鳳五年卒詔陪葬安陵阪上

弟子鉅鹿侯芭負土作墳號曰元冢沅案桓譚新論云雄為中散大夫病卒無以辦喪事

以貧困故葬長安妻子棄其墳墓而歸于蜀則雄墓在此是也四川通志云雄墓在郿縣西非是

順陵在縣東北三十里唐武后追尊其母曰孝明皇后號順陵

沅案元和郡縣志有蒙恬祠在縣西北十五里太平寰宇記有蒙恬冢在縣東北二十里紀信冢在縣北四十里馮唐冢在縣

東北三十五里李左車冢在縣北十四里董賢冢在縣東北十

八里鈕麇冢在縣東北三十里戚夫人冢在縣西十五里尉遲敬德冢在縣東三十里此皆不載考尉遲敬德陪葬昭陵當在醴泉樂史云在此則誤甚也

長安志卷第十三

思賢講舍校刊

長安志卷第十四

縣四

興平 武功

興平

興平縣唐畿今次畿東至府九十里本周犬邱之地帝王世紀曰周懿王二

年王室大衰自鎬徙都犬邱今槐里也史記秦之先大駱生非

子居犬邱秦名廢邱沅案漢書注韋昭云秦欲廢之更名廢邱也項羽封章邯為雍

王都廢邱漢高帝三年改曰槐里縣沅案史記本紀作二年地理志作三年莽曰

槐治今縣北故城是沅案史記正義引括地志云犬邱故城一名槐里亦名廢邱在雍州始平縣東南十

里屬右扶風武帝析置茂陵縣沅案漢書武帝紀云建元二年置茂陵邑王莽曰宣

城沅案師古曰黃圖云本槐里之茂鄉昭帝又析置平陵縣屬右扶風王莽曰廣



利今縣東二十里咸陽縣界平陵古城是魏黃初元年改平陵

為始平縣沉案太平寰宇記云改為始平國國字當為縣此是也宋書州郡志云始平令魏立因原以名

之晉太始二年沉案宋書州郡志亦作二年晉地理志作三年非置始平郡沉案元和郡縣志云

晉武改置領槐里始平武功鄠蒯城五縣苻堅徙始平於茂陵

故城後魏太武太平真君七年省始平郡縣入扶風郡焉孝莊

帝永安元年又徙縣於今縣東北一十五里十道志曰永安元年移扶風郡於文

學城領槐里始平恭帝元年又徙今縣東北二十五里後周宣

帝大象二年復徙今縣東南十五里文學城沉案舊本脫里字隋開皇

三年隸京兆郡沉案隋地理志云始平故置扶風郡開皇三年郡廢大業九年徙於今治

唐天授二年隸稷州大足元年還雍州景龍四年沉案新唐書作二年誤

金城公主降吐番贊普中宗送至縣因改為金城徙於馬嵬故

城至德初置興平軍二載改為興平縣沉案舊唐書云二十一年十月改又案太平寰宇記

云尋又復為金城今改為興平此缺載

縣境東西五十里南北六十里

六鄉管二百二十邨唐二十鄉有扶風鄉湯祠鄉餘不傳沉案說文茂陵有兀桑里

被化鄉在郭下管邨四十

耿祠鄉在縣西三里管邨四十

零保鄉在縣東三里管邨四十

文渭鄉在縣南五里管邨三十六

保安鄉在縣東北五里管邨三十六

崇節鄉在縣北三里管邨二十八

縣城周七里餘二百步崇二丈隋大業九年築六門



槐里驛在郭下東至咸陽驛四十五里西至武功驛六十五里  
馬嵬驛在縣西二十里今廢

石橋在縣西二十里馬嵬店

龍宮渡在縣西南三十五里

渭水上

始平原在縣北二十里東西五十里南北八里東入咸陽界西  
入武功界三秦記曰長安城北有始平原數百里其人并汲  
居井深五十丈漢時亦謂之北芒巖西京雜記曰茂陵富人袁  
廣漢藏鏹巨萬家僮九百人於北芒巖築園東西四里南北三  
里激流注其內構石爲山高十餘丈連延數里養白鸚鵡紫鴛  
鴦旄牛青兕廣漢後有罪誅沒入官爲園鳥獸草木皆徙植上  
林苑又曰何武葬於北芒龍薄坂

王嘉冢在縣東北一里

渭水南去縣二十九里

沅案元和郡縣志云南北廣四里東西二十一里

自武功縣界

來澇水注之入咸陽縣界

玉女泉在縣東南

史家泉在縣北楊妃故冢西

板橋泉在縣西北一十七里深百尺流入白渠後魏地形志曰

槐里縣有板橋泉

龍泉亦名溫泉又名姜子泉在縣西一十七里周數十步深不  
可測

涇龍泉新泉相去十餘步在縣西一十七里周數十步流入白  
渠



馬嵬泉在縣西二十里周數十步深百尺流入白渠

靈寶泉在縣東南二十里周數十步深不可測舊圖經曰漢帝

時邊韶得靈寶符于此泉後祈晴有應因名之

醴泉在縣東南二十里周數十步深不可測舊圖經曰醴泉在

扶風鄉唐貞觀十二年自然湧出其味如醴飲之疾愈

成國渠在縣北一里西自武功縣界流入縣界凡六十里溉田

二百四頃東流入咸陽縣界即古白渠也水經注曰成國故渠

故沅案水經注故字作渠魏尚書左僕射衛臻征蜀所開也上承泃水於

陳倉東東過涇及武功槐里縣案唐李石記咸通十三年夏四月戊子京兆府奏修六門堰畢

其渠合韋川莫谷香谷武安四水溉武功興平咸陽高陵等縣

田二萬餘頃俗號渭白渠言其利與涇白相上下又曰成國渠

見漢書地理志元魏時僕射衛臻征蜀復開以溉田大統十三年魏始築堰置六斗門以節水貞觀中役九州夫匠沈鐵牛鐵

劍以禦魑魅始就其功永徽四年左僕射于志寧治之尋至聖

歷中勅稷州刺史張知謩修焉始引武安水久視元年副西京

畱守雍州長史薛季昶得許公稚者縛土牛以殺水勢春官郎

中辭稷刻石敘之咸通十一年七月咸陽縣民薄遼等上言六

門淤塞緣渠之地二十年不得水耕耨而其官歲以水籍為稅

請假錢二萬八千九百八十貫以為修堰工作之費候水通流

追利戶錢以還京兆府為之奏乃詔借內藏錢以充命中使董

其事又令本縣官專之溉記役凡用萬七千緡云今涸沅案元

魏時僕射衛臻征蜀復開元字當衍或誤也

昇原渠在縣南一十五里西自武功縣流入縣界凡六十里溉

田七十餘頃東流入咸陽其原出泃水自鳳翔號縣城西北原

流至武亭合流數里西南至六門堰東成國渠合流西南出縣

界以其昇原而流故名之唐垂拱初運岐隴水今涸

普濟渠在縣南十里自武功縣流入縣界凡六十里溉田七十

餘頃東流入咸陽今涸



清渠在縣南二里東流入咸陽縣界

馬牧澤在縣東南二十里南北廣四里東西二十一里

百頃泊沅案元和郡縣志太平寰宇記泊皆作澤在縣西二十五里周一十六里沅案

元和郡縣志作周回六十里誤

宋泊在縣西二十一里周十四里

曲泊在縣西南十五里百頃泊而下並有蒲漁之利邑人利焉隋開皇十五年各築隄防護

浪井在耿祠鄉唐貞元五年自然湧出有疾者飲之皆得愈遠

近汲取朝夕如市

章邯臺在縣東南十里

石星晉穆帝太和中隕於槐里

槐里故城卽犬邱城在縣東南十里周十二里崇二丈五尺晉

太康中始平郡治也其城遶帶防陸舊渠尚存卽漢書所謂槐里環隄者也晉灼曰統環槐里隄者是也

小槐里李奇曰卽槐里之西城也東已有槐里城故以此城爲

小槐里魏志太祖以陽阜爲武都太守以武都孤遠欲移之人

多戀土然阜威信素著前徙人在京兆扶風天水界者萬餘戶

於是徙郡於小槐里百姓襁負隨之沅案太平寰宇記在武功

茂陵故城在縣東北一十九里沅案元和郡縣志云周三里三

輔舊事曰武帝於槐里茂鄉徙戶六萬一千置茂陵縣屬右扶

風舊圖經曰徙陵城蓋苻堅時也魏恭帝末年徙於今城十道志曰

舊志茂陵宣帝置接武帝時已徙戶居之至宣帝時爲縣

文學城在縣東崇二丈五尺十道志曰今謂之故縣城



武學城在縣東一十里沅案元和郡縣志云在縣東南十里崇二丈五尺與文學城相接二城並秦章邯築

樊噲城在縣南十里崇二丈西京記曰漢王襲雍章邯敗走廢邱城命將軍樊噲圍之於城西築臺以望之今縣西南有武延臺疑是焉

馬嵬故城在縣西北二十三里孫景安征途記曰馬嵬人名於此築城以避難未詳何代人姚萇時扶風王駢以數千人保馬嵬故城

漢黃山宮在縣西南三十里

隋僊林宮在縣西十八里文帝置

登真觀在縣西南一里半唐垂拱元年置

天興觀在縣東北一里景龍元年置

要冊廟在縣北一里

露膊將軍廟在縣西北五里

商湯祠在縣西北二十里湯祠鄉沅案史記秦本紀云密公遣兵伐蕩社三年與亳戰亳王奔戎遂滅蕩社正義曰括地志云雍州三原縣有湯陵又有湯臺在始平縣西北八里案其國蓋在三原始平界索隱曰皇甫謐云周桓王時自有亳王號湯非殷也則此蓋亳王祠耳云商湯者非也近顧炎武駁說文亳京兆杜陵亭以為誤以湯居亳為在此不知杜陵自有亳王而湯居亳之字墨子荀子等本作薄字然則識之不可不廣也故附論之

漢武帝龍淵故廟沅案水經注云故渠北故坂北即龍淵廟元和郡縣志作龍泉避高祖諱在縣東北一十七里

龍淵廟在縣東北二十四里武帝廟沅案疑有號字也

漢武帝茂陵在縣東北十七里武帝建元二年置茂陵邑後元二年葬師古曰本槐里之縣茂鄉故曰茂陵臣瓚曰茂陵在長安西北八十里元帝初元三年四



月乙未孝武園白鶴館災園中五里馳逐走馬之館師古曰五里者言其

周五不當在山陵昭穆之地關中記曰漢諸陵皆高十二丈方

里四十步徙民置縣者凡七長陵茂陵各萬戶餘五陵各五千戶

陵縣屬太常下隸郡也守陵溉樹埽除凡五千人陵令屬官各

一人寢廟令一人園長一人門吏三十三人候四人元帝時三

輔七十萬戶始斷不復徙人陪陵渭陵延陵義陵皆不立銘漢

帝諸陵自各立廟或在城內或在城外或在陵旁又陵下園有

寢室有便殿日祭于寢月祭于廟時祭于便殿寢日四上食廟

歲二十五祠于便殿又用一遊衣時至元帝始正迭毀禘祫之

制惟祖宗之廟世世不毀餘五廟親盡而毀四時祭于廟除諸

寢園不除衣冠之遊其後或廢或興至于王莽漢武故事曰帝

見形謂陵令辭平日吾雖失勢猶為汝君奈何令吏卒上吾陵

上磨刀劍乎自今以後可禁之平頓首謝因不見推問陵旁果

有方石可以為礪吏卒嘗盜磨刀劍霍光欲斬之張安世曰神

道芒昧不宜為法乃止故阮公詠

懷詩曰失勢在須臾帶劍上吾邱

李夫人墓亦名習仙臺崇二十丈周二百六十步在縣東北十

六里三輔黃圖曰李夫人墓東西五十步南北六十步高八丈

茂陵西北一里俗名英陵水經注曰李夫人冢冢形三成世謂

之英陵

霍去病墓在縣東北十九里崇二丈漢書曰去病為票騎將軍

大司馬冠軍侯元狩六年薨上悼之發屬國元甲軍陳自長安

至茂陵為冢象祁連山師古曰在茂陵旁冢上有豎石冢前有

石人馬者是沉案今鄧州志云

有霍去病墓蓋非衛青墓在縣東北十五里沉案元和郡縣志太平

寰宇記皆云十九里崇二丈漢書曰青為大將軍大司馬長平侯尚平陽主元封五年薨與主合

葬起冢象廬山云師古曰在茂陵東次去病冢之西相併者是



立表曰沉案漢書表下有署字南陽仟人不肯從謂之原氏仟沉案元和郡縣志有

漢公孫宏墓在縣東北十八里太平寰宇記有李延年墓在縣東北一十八里董仲舒墓在縣東北二十里此皆不載

四馬務在縣東南二十餘里從東第一曰飛龍務次大馬務次

小馬務次羊澤務地凡三百七十一頃南渡渭河慶歷中為營

田尋罷之其後民占佃簿籍亡散不復歸於有司

### 武功

武功縣唐畿今次畿東南至府一百四十里古有郃國堯封后稷之地周平王東

遷以賜秦襄公孝公作四十一縣釐美陽武功各其一也武功

蓋在渭水南郃縣地是案漢書右扶風有釐有郃有武功今此縣舊文釐美陽各為縣而又云縣在郃

縣地疑釐郃美陽皆入武功耳左傳周景王使桓伯讓於晉曰我自后稷郃芮

岐畢吾西土也杜注云郃在始平武功縣郃地是也廟記曰武

功本名郃後改為釐城關駟十三州志曰釐古文作郃古今字

異耳舊縣境有武功山斜谷水亦曰武功水是則縣本以山水

立名也漢屬右扶風王莽曰新光後漢省永平八年復自渭水

南徙武功縣於故釐城任安以武功小邑無豪易高故居武功

晉屬始平國沉案地形志云晉屬扶風非宋書州郡志亦云太康地志屬始平後魏太和十一

年改為美陽又置武功郡沉案地形志云太和十一年分扶風置兼領美陽莫沉案

地形志西二縣屬岐州沉案太平寰宇記云周武後周孝明帝

武成二年以武功郡屬雍州武帝建德三年省武功郡美陽縣

自此以前皆治釐城今西南二十二里故釐城是其後立武功

縣於今治所中亭川唐武德三年分雍州之武功好時蓋屋郃

州之郃四縣於今治置稷州沉案舊唐書云分雍州之武功好時蓋屋扶風四縣置稷州其年割



郿州之郿鳳泉來屬則當云以武功好因后稷所封為名又析

始平置扶風縣四年以岐州之圍川隸之沅案舊唐書云四七年隸雍州此缺載

年以郿隸岐州貞觀元年廢州省扶風以圍川鳳泉隸岐州蓋

屋武功隸雍州天授二年復為稷州領武功奉天始平蓋屋好

時等五縣大足元年廢稷州縣復隸京兆沅案當云復隸雍州後唐同光

中隸鳳翔長興元年還屬京兆府

縣境東西四十六里南北五十里

四鄉管四里唐一十四鄉有中水鄉餘不傳

高望鄉在縣東管望鄉里

周源鄉在縣南管懷德里

節婦鄉在縣東南管顯陽里

義門鄉在縣北管順義里

縣城周三里二百二十步崇九尺上闊一尺五寸下闊四尺五

門

太一山在縣東漢書古文以為終南

垂山在縣東漢書古文以為惇物沅案史記索隱引地理志垂山作華山秦本紀武公元年

伐彭戲氏至于華山下居平陽封宮正義曰宮在岐州則此華

山必非太華山也地理志所云古文以為惇物之山在武功者

當是此山而水經禹貢山水澤地所在云華山為西岳注

云古文之惇物山蓋謬矣又案封禪書有岳山疑亦此

太白山沅案水經注云地理志云縣有太一山古文以為終南杜預以為中南亦曰太白山則太一太白一山也敏求

兩載之非是三秦記曰太白山在縣南去長安二百里不知高幾許

俗云武功太白去天三百山下軍行不得鼓角鳴鼓角則疾風

暴雨兼至也沅案此亦見水經注不云出三秦記或今本脫字亦有數字不同周地圖記太白



山甚高上常積雪無草木半山有橫雲如瀑布則澍兩人常以爲候驗之如離畢焉故語曰南山瀑布非朝則暮水經注曰太

白山南連武功山於諸山最爲秀傑冬夏積雪望之皓然沅案此水

經注引杜彥達語魏略曰吉茂蘇則值亂隱於扶風南太白山中以經

籍自娛

三時原在縣西南二十里崇五十丈西入扶風縣界

上武亭川東原至興平縣西界三十五里

上武亭川西原至鳳翔府扶風縣東界十一里三百二步

高望川在縣東二十五里

渭水自鳳翔府扶風縣來入縣界水經曰渭水東經武功縣北

沅案水在今縣東三十五里

斜水漢書出衙領山北至郿入渭水經注曰出縣西南衙領山

北歷斜谷過五丈原東沅案水經注過作逕原在縣西十餘里水出武功

縣亦謂之武功水諸葛亮表遣虎步監孟琰沅案水經注云是

遣虎步監孟琰沅案水經注云是據武功水東司馬懿因水出騎萬人來攻琰營沅案水

司馬懿因水亮作車橋懿見橋垂成便引兵退沅案水經注云

長攻琰營後漢志引西征賦注曰褒斜谷在長安西南南口褒北

口斜長百七十里其水南流

褒水漢書亦出衙領山至南鄭入沔

武亭水北自好時縣來至縣南立節渡合渭水沅案水經注謂

大橫水疑卽杜水世謂之故縣川凡三名今俗以爲漆水非也漆水乃雍水上流所合之水

白水本名雍水亦曰圍川水西自扶風縣界至縣合武亭水沅案



水在今縣西南一十三里

莫谷水水經注曰莫谷水南經美陽縣與中亭川水相合沉案今本

水經注誤作茨水云水出好時縣梁山嶺東南逕梁山宮西又南逕美陽縣之中亭川注雍水謂之中亭水舊圖經

曰自奉天縣界十里流至縣東北合武亭水十道志曰三時原

莫谷水南經武功縣北沉案水在今縣東北康海武功縣志胡渭禹貢錐指以為即禹貢之沮水云水

本名浴水關西人讀浴若于沮因易譌者不經甚矣禹貢又東過漆沮乃朝邑入渭之洛也

雍水十道志曰俗名白水亦曰圍川水西北自扶風縣界流入

沉案上既云白水本名雍水云云此重出

溫泉水出太一山其水沸湧如湯水經注杜彥達曰可治百病

世清則疾愈世濁則無驗其水下合溪流北注渭

白渠在縣南一十三里西魏大統十三年置入興平縣今無基

址隋志有永曹渠普濟渠

成國渠注渭水在縣境

五泉渠十道志曰西自岐州扶風縣界流入渠經三時原上東

流經縣西南去縣十二里隋文帝葬原上因絕此水又東合成

國渠

六門堰十道志曰西魏文帝大統十三年置六斗門節水因名

之

陂池在縣北二十里義門鄉

釐亭新論曰郃在漆縣其民有會日以相與夜中市如不為則

有災咎後漢書曰王恽字少林除郃令到官至釐亭亭長曰亭

有鬼殺過客不可宿也恽曰仁勝凶邪德除不祥何鬼之避即



入亭止宿夜中聞女子稱冤之聲恠曰沉案後漢書作恠呪曰有何枉狀

可前求理乎女子曰無衣不敢進恠便投衣與之女子乃前訴

曰妾夫為涪令之官過宿此亭亭長無狀枉殺妾家十餘口埋

在樓下盜取財貨沉案後漢書盜字上有悉字恠問亭長姓名女子曰即今

門下游徼者也恠曰汝何故數殺過客對曰妾不得白日自訴

每夜陳冤客輒眠不見應不勝感恚故殺之恠曰當為汝理侵

冤勿復害良善也沉案後漢書害作殺因解衣于地忽然不見旦沉案後漢書明

旦召游徼詰問具狀伏罪沉案後漢書無狀字即收繫及同謀十餘人悉

伏辜遣吏送其喪歸鄉里於是亭遂清晏沉案後漢書作清安

孝義臺在縣北二十里義門鄉

故棘城一名武功城在今縣西南二十里沉案元和郡縣志云二十三里太平寰宇

記云二周邠國也

周城在美陽城西北中水鄉周太王所居邑也詩曰古公亶父

來朝走馬率西水滸至于岐下又曰周原膺膺董荼如飴爰契

我龜築室于茲帝王世紀曰周大王避狄循漆水踰梁山徙邑

於岐山之陽今扶風美陽西北有岐陽城舊周地也沉案說文云邠周文

王所封在右扶風美陽中水鄉是

美陽故城在縣西七里漢書曰美陽縣屬右扶風注周大王所

邑有高泉宮秦宣太后所起沉案地理志無所字後魏太和十一年廢

慶善宮在縣南十八里神堯之舊第也太宗降誕之所南臨渭

水武德元年建武功宮六年改慶善宮貞觀六年太宗臨幸讌

羣臣賦詩後廢為慈德寺



武太后行宮在縣東五里高望鄉

報本寺在縣西北一里本唐神堯宅太中元年建為報本寺

寶意寺在縣西一里亦唐神堯別宅乾封三年建為寶意寺周

顯德二年重修寶意寺寺東臨絕崖

垂山斜水淮水祠三所

沅案此地  
理志文

后稷祠在縣西南二十三里

姜嫄祠在縣西南二十二里

沅案地形志武功  
有美原廟當為姜

隋文帝泰陵在縣西南二十里三時原

唐殤帝陵在縣西原上

漢蘇武墓在縣北十里義門鄉案郡國志蘇武冢在好時縣東

三十里里名守節鄉與此地里相接

沅案郡國志無文豈今本  
脫之與又案文獻通考云

醴泉有蘇武墓今韓城縣志  
亦有蘇武墓當以此為是



長安志卷第十四

思賢講舍校刊

長安志卷第十五

縣五

臨潼

鄠縣

臨潼

臨潼縣

唐次赤今次畿西至府五十里

本周驪戎國春秋時晉獻公伐驪戎其

後秦滅之為驪邑漢書高祖七年

沉案史記本紀云十年

置新豐縣

應劭曰太

上皇思東歸於是高祖改築城寺街里以象豐徙豐民以實之故號新豐三輔舊事曰太上皇不樂關中思慕鄉里高祖徙豐沛屠兒酤酒煮餅商人立為新豐西京雜記曰高祖既作新豐并移舊社街巷棟宇物色如舊土男女老幼相攜路首各知其室放犬羊雞鴨於通衢亦競識其家匠人胡寬所為也移者皆喜其似而憐之故競加賞贈月餘致累百金別本曰太上皇徙長安居深宮淒愴不樂高祖竊因左右問故以平生所好皆屠販少年酤酒賣餅鬪雞蹴鞠以此為歡今皆無此故不樂高祖乃作新豐移諸故人實之太上皇乃悅故新豐多無賴無衣冠子弟故也高祖少時常祭枋榆之社及移新豐亦立焉



國縣道記曰今縣東十二里故新豐縣西南四里新豐故城即

高帝為太上皇所立沅案成帝紀鴻嘉元年以新豐戲鄉後漢為昌陵縣奉初陵諸書及此俱缺載

靈帝末徙安定郡陰盤縣寄治於此城今亦謂之陰盤城沅案水經

注云靈帝建寧三年改為都鄉後魏太和九年徙陰盤縣於今封段潁為侯國後立陰盤城

縣東三十二里冷水西戲水東司馬邨故城是沅案地形志云陰槃真君七年

併新豐太和十一年復此缺載其新豐縣自陰盤寄治後又徙於故城東三十

里蓋在零水側周閔帝元年又徙於天寶廢新豐縣東南七里

隋大業六年又徙於天寶中廢縣所治垂拱二年以縣東南三

十里有山湧出改為慶山縣天授二年於縣界零口置鴻州析

慶山渭南兩縣置鴻門縣沅案太平寰宇記云取兩縣十二鄉於郭下置鴻門縣以慶山

高陵櫟陽渭南五縣隸焉久視元年廢州並鴻門縣神龍元年

復改慶山為新豐縣開元後元宗每歲十月幸温湯歲盡而歸

以縣去湯泉稍遠天寶四載沅案唐書志云二年是新唐志云三年此云四載非析新豐

萬年二縣於温泉宮置會昌縣於今治以山名名之又外為赤

縣六載發馮翊華陰丁夫築會昌羅城於温湯所置百司及公卿邸第七載省新豐改會昌縣及

山曰昭應鄭嶠津陽門詩注曰時有詔改新豐為會昌縣移自陰盤故城置於山下至明年十月老君見于朝元閣

南而於其處立降聖觀改新豐為昭應縣廡宇始成令大將軍高力士率禁樂以落之皇朝大中祥符八

年避玉清昭應宮名改縣為臨潼

縣境東西五十五里南北四十里

三鄉管一百一十六邨唐十鄉

旌儒鄉在縣西南管邨三十九

會德鄉在縣東南一十里管邨三十六

長安志卷第十五



潤渭鄉在縣東南四十五里管邨四十一  
零口鎮在縣東四十五里

昌驛亭在縣西南五十步東至華州渭南縣驛八十里西至本  
府秦州驛五十里南至藍田縣七十里北至櫟陽縣三十五里  
戲水驛兩京道里記曰大業六年置在戲水店

驪山在縣東南二里驪戎來居此山故以名案土地記曰卽藍  
田山也温湯出山下其陽多寶玉其陰多黃金三秦記始皇作  
閣道至驪山八十里人行橋上車行橋下今石柱猶存山上立  
祠名曰靈臺述征記曰長安東則驪山西則白鹿原北望雲陽  
悉見山阜之形而恒若雲霧之中天寶元年更驪山曰會昌山  
七載二改曰昭應山山神曰元德公水經曰浮肺山蓋驪山之  
麓而有異名一作肺浮沆

案水經注云連麓異名太平  
寰宇記云別麓而有異名

慶山在縣東南三十五里唐垂拱二年湧出譚賓錄曰新豐縣  
因風雷有慶山湧

出高二百尺荆州人俞文俊詣闕上書曰臣聞天氣不和而寒  
暑併人氣不和而疠贅生地氣不和而蝗旱出今陛下以女主  
處陽位反易剛柔故地氣隔塞而山變為災陛下謂之慶山臣  
以為非慶也疏奏天后大怒放之於嶺外兩京道里記曰慶山  
湧出初時六七尺漸至百餘尺居守以聞百寮畢賀給事中魏  
叔璘曰此平地生骨堆何足可慶或以上聞坐賜死識者謂叔  
璘翻語是被戮故禍不及家止身而已

鴻門坂在縣東十七里漢舊大道北下阪口名也關中記曰鴻  
門在始皇陵北十里新豐縣漢書沛公會項羽處又文帝登霸  
陵指新豐路示慎夫人曰此是北走邯鄲道也又亭尉呵李廣

處續漢書郡國志新  
豐縣東有鴻門亭

坑儒谷在縣西南五里沆案太平寰宇  
記云在縣東南秦始皇坑儒於驪山下



長安志卷之十五  
三  
故名坑儒鄉漢書注師古曰今新豐縣温湯之處號愍儒鄉温湯西南三里有馬谷谷之西岸有阮古老相傳以為秦阮儒處也衛宏詔定古文官書序云秦既焚書患苦天下不從所改更法而諸生到者拜為郎前後七百人乃密令冬種瓜於驪山阮谷中温處瓜實成詔博士諸生說之人人不同乃命就視之為伏機諸生賢儒皆至焉方相難不決因發機從上填之以土皆厭終乃無聲此則閔儒之地其不謬矣唐天寶中改為旌儒鄉立旌儒廟賈至作碑  
磴千谷在縣西南七里  
鳳皇原後漢延光二年鳳皇集新豐即此原也亦驪山之唐韋嗣立構別廬於驪山鳳皇原

鸚鵡谷有重崖洞壑飛流瀑水中宗臨幸改為清虛原幽棲谷

唐書曰新豐鸚鵡谷水清代傳云此水清天下平開皇之初暫清尋濁至是而復清

狼石在縣東十里秦始皇陵東南二里形似龜初始皇之葬遠採此石將致之驪山至此不復動石崇一丈八尺周十八步

渭水在縣北十里西自萬年縣界來東入渭南縣界

泔水一作零在縣東三十五里來自渭南縣界亦曰百丈水水經

注曰泔水出肺浮山歷陰盤新豐兩原之間北流注于渭沅案地形  
志陰盤有靈谷水即此零泔靈三字音同

戲水在縣東二十七里漢書曰陳涉之將周章西入關至戲秦將章邯距破之應劭曰戲宏農湖縣西界也孟康曰水名也蘇林曰在新豐東南三十里師古曰戲在新豐東今有戲水驛其



水本出藍田北界橫嶺至此而北流入渭孟蘇說是應說失之

戲許宜反水經注曰冷水出浮肺山戲水出驪山鴻谷鴻一作馮沅案

水經注作馮公谷即師古所云愍儒鄉之馬谷馬字誤耳又北歷戲亭東即周幽王死處沅案

此亦節損本文兩京道里記曰戲水周幽王以褒姒遊於此故以為名

水至濁北流入渭東西有店南去昭應縣二十九里

陰盤城河水在縣東北十四里出縣北楊邨社

魚池水在秦始皇陵東北五里周四里水經注曰泉出驪山本

導源北流始皇葬於山北水過而曲行東注北轉初造陵取土

其地汙深水積成池謂之魚池

酉谷水在縣東三十里流入渭沅案地形志作首谷水

纛澄泉在縣西南五里纛從緣切雨而泉出也

鳴犢泉在縣西北十里

石澗河在縣西二里

水碓河在縣西五里

王橋河在縣東三十里流入渭

渴牛井在縣東北上七里官道側井旁有還道縈繞及于水次

温湯在縣南一百五十步驪山之西北雍州圖曰温湯在新豐

縣界温谷即温泉也三秦記曰驪山湯舊說以三牲祭乃得入

可以去疾消病不爾沅案水經注作不即爛人肉沅案水經注

同此與初學記同俗云始皇與神女戲不以禮沅案水經注初學記神

女唾之則生瘡始皇怖謝神女為出温泉而洗除後人因以為

驗沅案此亦同初學記漢武帝故事曰驪山湯初始皇砌石起宇至漢武



又加修飾焉張衡賦序曰余適驪山觀溫泉浴神井嘉洪澤之

普施十道志曰今案泉有三所其一處即皇堂石井周武帝天

和四年大冢宰宇文護所造隋文帝開皇三年又修屋宇列樹

松柏千株餘貞觀十八年詔左屯衛大將軍姜行本將作少匠

閻立德營建宮殿御賜名溫泉宮太宗因幸製碑咸亨二年名

溫泉宮唐年小錄曰開元十年置溫泉宮寔錄與元和郡縣圖志曰開元十一年初置溫泉宮天寶六載

改爲華清宮驪山上下益治湯井爲池臺殿環列山谷明皇歲

幸焉又築會昌城是歲發馮翊華陰等郡丁夫築會昌羅城即於湯所置百司及公

卿邸第焉華清宮北向正北門外有左右朝堂門北相對有望仙橋北有左右講武殿正門曰

津陽門宮北門之內曰津陽門門外有宏文館以下見津陽門詩注及今所在遺迹東面曰開陽門

宮之東面正門也門外近南門外有宜春亭西面曰望京門宮之西面正門也門外近南有御交道上嶺通望京樓

南面曰昭陽門宮之南面正門也今謂之山門門外有登朝元閣之路本唐之御輦便路也津陽門

之東曰瑤光樓南有其南曰飛霜殿寢殿也白少傅以長生殿爲寢殿非也御湯

九龍殿在飛霜殿之南亦名蓮花湯明皇雜錄曰元宗幸華清宮新廣湯池制作宏麗安祿山於范陽以

白玉石爲魚龍鳧雁仍以石梁及石蓮花以獻雕鏤巧妙殆非人功上大悅命陳於湯中仍以石梁橫互湯上而蓮花纔出水

際上因幸華清宮至其所解衣將入而魚龍鳧雁皆若奮鱗舉翼狀欲飛動上甚恐遽命撤去而蓮花今猶存又嘗於宮中置

長湯數十間屋環回蟄以文石爲銀鏤漆船及白香木船致於其中至於檝棹皆飾以珠玉又於湯中壘瑟瑟及沈香爲山以

狀瀛洲方丈津陽門詩注曰宮內除供奉兩湯外而內外更有湯十六所長湯每賜諸嬪御其修廣與諸湯不侔蟄以文蟲密

石中央有玉蓮捧湯泉噴以成池又縫綴錦繡爲鳧雁致於水中上時於其間泛銀鏤小舟以嬉游焉次西曰太子湯又次西

少陽湯又次西尚食湯又次西宜春湯又次西玉女殿今名星辰

女殿北有虛閣閣下即湯泉二玉石甕湯所出也七聖殿殿在宮中自神堯至睿宗昭

殿石榴皆太真所植南有功德院其間瑤壇宜春亭在開陽門外重



明閣 今四聖殿北臨高有重明閣倚欄北瞰縣境如在諸掌閣下有方池中植蓮荷池東鑿井每盛夏泉極甘冷邑人汲

之四聖殿 重明之南曰四聖殿殿東有怪柏 長生殿 齋殿也其事於朝元閣即齋沐此殿山城內多馴鹿

有流澗號飲鹿泉金沙洞玉藥峯皆元宗為名洞居殿之左玉藥峯上有王母祠寔錄天寶元年新作長生殿集靈臺以祀神

集靈臺朝元閣 天寶七載元元皇帝見于朝元閣即改名降聖閣案上文立降聖觀疑非是 老君殿

朝元閣之南玉石為鐘樓 在朝元閣之東 明珠殿 長生殿之南近東也 笋殿 殿側老君像制作精絕

温泉堂碑其石瑩徹見觀風樓 樓在宮外東北隅屬夾城而達於內前馳驅道周視山川大歷

中魯朝恩殿 在觀風樓之南 按歌臺 在鬪雞殿之南 毬場 宜以修章敬寺

亭之北門外曰毬場 連理木飲鹿槽丹霞 並在朝元閣之南 羯鼓樓 在朝元閣

場其西曰小毬場 之東近南 祿山亂後天子罕復遊幸唐末遂皆圯廢晉天福中

改為靈泉觀賜道士居之

安幕坳兩京道里記曰相傳漢高祖幸新豐安營幕於此

枌榆社漢書曰高祖禱豐枌榆社張晏曰枌白榆社在新豐東北十五里

謝聚關中記曰在始皇陵北十餘里

鴻門亭在縣東七里

曲郵亭張良追漢高祖處

步昌亭三輔黃圖曰成帝於霸陵北步昌亭起昌陵即成帝之

廢陵也

麗戎故城在縣東二十四里殷周時麗戎國城也兩京道里記

曰城高一丈五尺周回望

幽王城一名幽王壘在縣東南戲水上城高八尺周二百八十

步 兩京道里記在 國語曰幽王滅于戲蘇林曰戲邑名也在新

縣東北四十里



豐縣東南三十里戲亭是也史記曰褒姒不好笑幽王為烽燧

沅案史記作舉燧火諸侯悉至至而無寇

褒姒乃大笑幽王欲說之沅案史記無欲字為數舉烽火其後不信諸

侯諸侯益不至沅案史記無上諸侯二字益下有亦字犬戎共攻幽王沅案此節史記文增

共幽王舉烽火徵兵兵莫至遂殺幽王驪山下潘岳西征賦曰

履犬戎之侵地疾幽王之詭惑舉偽烽以沮眾淫嬖褒而縱慝

軍敗戲水之上身死驪山之北赫赫宗周滅為亡國

陰盤城在縣東北一十四里漢縣事見上兩京地里記湯泉水

陰盤故城東門外去昭應十五里故城漢高祖與太上皇所置

新豐邑漢靈帝改封段穎陰盤侯即此是陰盤城高一丈三尺

東西南北各三千一百步往來大路必由此城行人憧憧無所

畱礙近古帝王未嘗經度必迂迴城西別開御路貞觀中乘輿

將自東門入湯泉水岸深數丈時水暴漲平岸又見物如豬當

土門臨命有司致祭其物起向北因失所在開元八年冬乘輿

自南入行至半城黑氣自城東北角起倏忽滿城從官皆相失

上策馬踰城赴官路下至渭川雲氣稍解侍臣分散尋求乘輿

所在既謁見悲喜迸涕上亦悵然自是還宮數日不出翰林學

士通事舍人王翰作荅客問上之詞曰龍躍湯泉雲漸迴龍飛

香殿氣還來龍潛龍見雲皆應天道常然何問哉

新豐故城在縣東北十八里沅案元和郡縣志云在縣東十八里

昌陵故城漢成帝鴻嘉元年以新豐戲鄉為昌陵縣師古曰戲

水之鄉沅案水經注曰關中記曰昌陵在霸城東二十里



白鹿觀在縣西南一十五里驪山中本驪山觀有老母殿唐高祖武德六年幸溫泉傍觀川原見白鹿遂改觀名

太元觀兩京道里記曰唐武德二年置在驪山下開元二十七年以宮牆偏近於肅敬乃令諫議大夫道士尹愔徙之今在宮北一里

靈臺觀在零口店北二百步兩京道里記曰天寶初供奉陸霞奏置

寶雲寺在零口鎮市東坡上臨零口去縣二十六里隋開皇中置號靈巖寺唐會昌五年廢咸通六年再置名鷲嶺寺太平興國六年改持國寺津陽門詩注曰本名慶山寺德宗時改寺有緣閣複道而上武后朝以禁匠取宮中制度結構之

福嚴寺兩京道里記曰在縣東五里南山半腹臨石甕谷有懸泉激石成曰似甕形因以谷名石甕寺太平興國七年改津陽門詩注曰石魚巖下有天然石其形如甕以貯飛泉故元宗以石甕爲之寺名寺僧於上層飛樓中懸轆轤斜引脩綆長二百餘尺以汲甕泉出於紅樓橋樹之杪開元中以造華清宮餘材修繕佛殿中有玉石像幽州山所進與朝元閣道像同至精巧無比叩之如磬餘像並揚惠之塑脫空像皆元伽兒之製能妙纖麗曠古無儔紅樓在佛殿之西巖下臨絕壁樓中有元宗題詩草八分每句一體王維山水兩壁

寺前有孔雀於下有赤茯苓入土千年則成琥珀

露臺祠在縣東南十里卽秦始皇祠也三秦記曰驪山顛有始



皇祠不齋戒而往即風雨迷道強即死之

沉案劉昭注郡國志引三秦記字多不同

兩京道里記曰到彼即下視諸山有羲軒已降形

唐王璵請於昭唐縣南三十里山頂置尺華上官露臺大地婆父祠疑是此然三秦記已有之未詳

秦始皇廟在縣東一十五里會德鄉

李真人廟兩京道里記曰真人名順興後魏時得道於此津陽

門詩注曰順興後周時修道此山神堯傳禪真人潛告符契至

今山下有祠宇

周幽王陵在縣東北二十五里兩京道里記曰陵高一丈三尺

周三百步

秦始皇陵在縣東一十五里

沉案史記正義引括地志云在雍州新豐縣西南十里元和郡縣志

太平寰宇記云

史記始皇初即位穿治酈山及平天下天下徒

送詣

沉案舊本脫此字

七十餘萬人穿三泉下銅

徐廣曰一作銅錮鑄塞也

而致椁

宮觀百官奇器珍怪徙臧滿之令匠作機弩矢有所穿近者輒

射之以水銀為百川江河大海機相灌輸上具天文下具地理

以人魚膏為燭

徐廣曰人魚似鮎四脚

度不滅者久之二世曰先帝後宮

非有子者出焉不宜皆令從死死其甚眾葬既已下或言工匠

為機臧皆知之臧重即泄大事畢已臧閉中羨下外羨門盡閉

工匠臧者無復出者樹草木以象山漢書劉向傳秦始皇帝葬

於驪山之阿

師古曰阿謂山曲也

下錮三泉上崇山墳其高五十餘丈周

回五里有餘石椁為游館

李奇曰壙中為遊戲之觀也師古曰多累石作椁於壙中以為離宮別館

也人膏為燈燭水銀為江海黃金為鳧雁珍寶之臧機械之變

孟康曰作機發木人之屬盡其巧變也晉灼曰工匠為機臧皆知之已下閉羨門皆殺工匠也棺椁之麗宮館



之盛不可勝原

師古曰言不能盡其本數

又多殺宮人生薶工匠計以萬數

天下苦其役而反之驪山之作未成而周章百萬之師至其下

矣

師古曰周章陳勝之將

項籍燔其宮室營宇往者咸見發掘

師古曰言至其墓所

者發掘之而求財物也

其後牧兒亡羊羊入其鑿

師古曰鑿謂所穿豕臧者音在到反

牧者

持火照求羊失火燒其臧椁自古至今葬未有盛如始皇者也

數年之間外被項籍之災內離牧豎之禍

師古曰離遭也

豈不哀哉是

故德彌厚者葬彌薄知愈深者葬愈微無德寡知其葬愈厚邱

隴彌高宮廟甚麗發掘必速由是觀之明暗之效葬之吉凶昭

然可見矣賈山傳曰始皇死葬乎驪山吏徒數十萬人

師古曰吏以督

領徒以曠日十年

師古曰曠空也廢也言為重役空廢時日積年歲也

下徹三泉

師古曰三重之

泉言其深也

合采金石治銅錮其內漆塗其外

師古曰錮謂鑄而合之也音固沅案今本

漢書秦

作漆非被以珠玉飾以翡翠中成觀游上成山林為葬薶

沅案今本

漢書葬作埋皆俗改此是

之侈至於此使其後世曾不得蓬顆蔽冢而託葬

焉

師古曰顆謂土塊蓬顆言塊上生蓬者耳舉此以對冢上山林故言蓬顆蔽冢也顆音口果反沅案今本漢書注無舉此

已下十五字

古史考曰秦始皇使形徒七十萬人作驪山北山石為

碣水經注曰項羽入關發之以三十萬人三十日運物不能窮

關東盜賊銷椁取銅牧人取羊燒之

沅案水經注尋作取

火延千日

沅案水經

注作九

不能滅郡國志曰始皇陵有銀蠶金雁以多奇物故俗

云秦王地

沅案郡國志無此文

關中記曰秦始皇陵在驪山之北高數

十丈周六里今在陰平縣界此陵雖高大不足以消六十萬人

積年之功其用功力或隱不見不見者驪山水泉本北流北流

者陂障使東西流又此土無石於渭北諸山運取大石故其歌



日運石甘泉口渭水為不流千人一唱萬人相鈞今陵下餘石大如藍土屋其消功力皆此類也三輔故事曰始皇陵七百步以明珠為日月魚膏為脂燭金銀為鳧雁金蠶三十箔四門施徽奢侈大過六年之間為項籍所發兩京道里記曰陵高一千二百四十尺內院周五里外院周一里俗呼當陵南嶺尖峯作望峯言築陵望此為準沉案裴駙引皇覽曰墳高五十餘丈周回五里餘

始皇太子扶蘇墓在縣東南三十四里墓崇九尺沉案元和郡縣志太平寰宇記俱無

後漢馮衍墓在縣東十四里墓崇二丈沉案章懷太子賢後漢書注曰衍墓在今新豐

縣南四里太平寰宇記云在縣西四里

唐奉天皇帝齊陵在縣東一十六里旌儒鄉新豐店西

唐文敬太子惠昭太子二陵在縣東一十五里旌儒鄉

恭哀太子陵在縣境沉案方志云在縣北

莊恪太子莊恪陵在驪山北原

贈太尉段秀實墓在縣西一十五里

僧一行葬塔在銅人原明皇幸温湯過其塔前駐馬徘徊

鄂縣

鄂縣唐畿今次畿東北至府六十五里本夏之扈國也尚書啟與有扈戰于甘

之野孔安國曰甘有扈郊春秋左氏傳夏有觀扈杜預曰始平

鄂縣有扈鄉帝王世紀曰扈至秦改為鄂姚察漢書訓纂曰案戶扈鄂三字一也古

今字不甘亭殷為崇國文王伐崇是漢志鄂縣屬右扶風有扈

晉屬始平郡沉案春秋左傳舍諸靈臺杜預云在京北鄂縣蓋承後漢地志云爾後魏太平真君



七年屬京兆郡自漢至隋皆於鄠城置縣即今縣北二里故城

是沅案太平寰宇記云其城周四里頽垣尚在大業十年徙今治

縣境東西五十二里南北一百里

五鄉管五里唐二十四鄉漢有長水鄉餘不傳

宜善鄉連縣郭管陳平里沅案地里志云鄠有扈谷亭即此

扈亭鄉在縣西北一十二里管甘泉里

太平鄉在縣東一十五里管仁讓里沅案說文云鄠右扶風鄠音蕢為倍是古音同也古文尚書丕子之責今文作負子是

蕢陽鄉在縣西一十三里管五蕢里沅案說文云鄠右扶風鄠音蕢為倍是古音同也古文尚書丕子之責今文作負子是

珍藏鄉在縣北一十二里管貨泉里

縣城周二里二十四步

甘泉鎮在縣西北三十里

秦渡鎮在縣東四十里一作四十五里

馬祖壇在縣東北三十二里龍臺澤中

驛在北門內東北去本府秦川驛七十里西至蓋屋縣驛七十

里

終南山在縣南二十里

雞頭山在縣東南三十一里十六國春秋曰苻生不能守長安

欲西上隴山士卒散盡遂入雞頭山尋為追兵所害

牛首山在縣西南二十三里南接終南山在上林苑中西京賦

曰繞黃山而款牛首山海經曰牛首之山有鬼草其葉如葵赤

莖其秀如禾服之使人沅案中山經無使人二字不憂三輔黃圖曰甘泉宮中有牛首山沅案山



海經牛首之山在霍山南四十里澇水澇水出其山與水俱在  
今山西浮山縣非此牛首也水經注引山海經云澇水即巢山  
之水也西北流與澇水合亂流西北逕高陵城北西流入于汾  
水元和郡縣志臨汾縣有澇水今澇水出浮山縣澇水出龍角  
山逕臨汾縣皆在山西故山海經云又北四十里曰霍山樂史  
敏求誤附于此今世人并以此地所出飛魚為可已痔誤矣  
五牀山在縣境沅案此亦無去縣道里恐郊祀志鄠有五牀漢  
為是祠而非山或其山在醴泉此亦祠之與

書曰鄠有五牀案近世僧院有在重雲山紫閣  
山雲際山白雲山者此並不載

渭水北去縣十七里

豐水經縣東二十八里北流入渭沅案澇水  
舊作玉非

澇水北過上林苑入渭沅案澇水  
舊作玉非

澇水在縣西二里說文曰澇水出扶風鄠北入渭山海經曰牛  
首之山澇水出焉西注於澇水多飛魚狀似鮒可已痔疾沅案  
此亦

誤以山西澇澇為在此  
說見前疾山海經作術李善注文選曰澇水即澇水也漢書注

顏師古曰潦音牢亦水名出鄠縣西南山潦谷而北流入于渭

高觀谷水在縣東南三十里闊三步深一尺其底並碎砂石北

流入長安縣界合豐水

太平谷水在縣東南三十里闊七步深二尺其底並碎砂石北

流入長安縣界合豐水十道志曰太平谷水一名林谷水即清

渠水之上流也源亦出終南山

檀谷水十道志曰長樂渠之上流也源出縣南終南山檀谷

甘谷水在縣西南二十二里闊三步深一尺其底並碎砂石北

流入興平縣界合渭水

耿谷水在縣西南三十里闊三步深一尺其底並碎砂石北流

入興平縣界合渭水



扈陽谷水沅案今俗云化羊谷扈化聲相近十道志曰一名扈水又名馬腹陂

水水經注曰扈水上承扈陽池沅案水經注無文而太平寰宇記亦引之

沒豬泉在縣東南其源澄湛俗傳昔有野豬沒而為泉圖經曰

案說文豬亦豬也水所停曰豬尚書禹貢曰大野既豬亦曰彭

蠡既豬滎波既豬皆由水所停爾又曰黑水西河為雍州終南

惇物至於鳥鼠原隰底績至於豬野今鄂縣實終南之隈沅案豬野

澤在今甘肅敏求以爲在此誤矣沒汨沒也蓋泉澤即水所停爾俗而神之非

也今傍有禹廟

漢陂沅案漢水經注元在縣西五里出終南諸谷合朝胡一作公

泉為陂十道志曰有五味陂陂魚甚美因誤名之本屬奉天又

說文曰漢陂在京兆鄂縣其周一十四里北流入澇水唐寶曆

二年勅漢陂令尚食使牧管不得雜入採捕其水任百姓溉灌

勿令廢碾磴之用文宗初詔並還府縣

龍臺澤在縣東北三十里周二十五里有唐馬祖壇在其中十

道志上林有龍臺觀上林賦曰登龍臺掩細柳是方輿記在豐

水西北近渭

八部澤在縣東南一十八里周五十里沅案元和郡縣志太平寰宇記皆云在縣東南

里五

滿地灤在縣東北二十八里周三里即鎬水上源東北流入長

安縣界馮席邨

甘亭在縣西南五里續漢書曰在甘水之東長水鄉漢有營校

之地胡騎所屯劉屈蒼傳



文殊臺一在縣東三十里

沅案春秋左傳云秦獲晉侯以歸乃舍諸靈臺杜預云在京兆鄂縣周之

故臺此  
缺載

論公臺在縣西南五里

望仙臺在縣西三十里

新羅王子臺在東南六十里

縣故城在縣北二里即漢鄂城也周四里縣枕終南山澧鎬二水合流入渭山水之勝甲於秦中故班孟堅西都賦曰商洛緣其隈鄂杜濱其足

鍾官城又名灌鍾城在縣東北二十五里秦始皇收天下兵器

銷爲鍾鐻處

周鄂宮在縣東三十五里

沅案舊本脫三十二字

秦貧陽宮在縣西南二十三里

隋太平宮在縣東南三十一里

沅案舊本脫一字

對太平谷

隋甘泉宮在縣西南二十二里對甘泉谷

漢宜春觀在縣境

逍遙栖禪寺在縣東南三十里後秦宏始三年置

雲際山大定寺在縣東南六十里隋仁壽元年置爲居賢捧日

寺本朝太平興國三年改

寺內有李順興先生古記云順興初居長安大統鄉昆明池南居賢邨爲

周太祖所重今以所居邨置寺以居賢人號居賢寺因名邨爲居賢邨順興自魏武之始隱居此山念持金剛經聚壘瓦塔以記經數南北三嶺時稱爲中境士嶺也其地舊有寺周武末寺廢至大業中乃以此地賜駙馬都尉吳國公尉遲安爲柴莊安嘗見一老人素服謂安曰此古寺地何不再葺之安遂求置寺因掘地得順興石像焉

周王季冢在南山

沅案呂氏春秋云王季葬于渦山之尾即扈山也渦扈聲相近論衡作滑字之誤國策作



楚山

漢陳平墓在縣南十里沅案明一統志陳平墓一在完縣一在永城縣一在陽武縣河南府志云在洛陽縣蘭陽縣志云在縣鴉鵲劉邨皆無書傳可據當以此為是

長安志卷第十五終

思賢講舍校刊

長安志卷第十六

縣六

藍田 醴泉

藍田

藍田縣

唐畿今次畿東北至府八十里

秦舊縣也

沅案史記六國表云秦孝公六年為縣

竹書紀

年曰梁惠成王命太子向為藍田君

沅案太平寰宇記及此舊云惠王脫成字非

水

經注曰藍田縣蓋子向之邑漢書曰藍田縣秦孝公置山出美

玉周禮曰玉之美者曰球其次曰藍

沅案周禮無文通典縣下亦有此語而不云周禮

三秦記曰蓋以縣出美玉故名藍田案縣秦屬內史漢屬京兆

尹

沅案魏晉皆因之後魏太武帝太平真君七年省縣

沅案地形志云並霸城孝

文帝太和十一年復置隸京兆郡

沅案地形志有山北縣亦此縣地

後周閔帝



三年析縣置玉山白鹿縣以二縣置藍田郡武帝建德二年省

郡廢玉山白鹿入藍田以隸京兆自縣西三十里故城徙嶢柳

城今治是也唐武德二年析置白鹿縣三年更曰寧民沉案舊唐書

寧人蓋承舊唐書作又析藍田置玉山縣貞觀三年皆省沉案舊唐書

史避諱字此及新書志云三年誤

廢寧人玉山入藍田縣則

縣境東西八十里

南北一百里四鄉管四里唐二十二鄉

有節婦鄉傳秦道鄉連縣郭管安仁里

玉山鄉在縣東一十里管嚴朱里

白鹿鄉在縣西南二十里管安道里

盧珍鄉在縣西北一十里管康和里

縣城本名嶢柳城沉案嶢柳字玉以前對嶢山其中多柳因取

為名水經注曰泥水歷嶢柳城南魏置青泥軍於城內俗亦謂

之青泥城晉中興書曰桓溫伐苻健遣京兆太守薛珍擊青泥

城破之即其處也城周八里今縣城上東南一隅而已周三里

餘八十步崇一丈六尺凡三門

青泥驛在縣郭下

藍田驛在縣西北二十五里

韓公堆驛在縣南三十五里作桓公驛者非

藍橋驛在縣東南四十里

藿平驛在縣南五十五里以上五驛並廢

玉谿館在縣東南四十五里入商州路俗曰磴子平



藍田關在縣東南九十八里沅案史記正義引括地志云在縣東南九十里即秦嶢關

也漢書曰趙高遣將將兵距嶢關應邵曰嶢音堯嶢山之門李奇曰在上洛北藍田南武關

之沛公引兵繞嶢關踰蕢山擊秦軍大破之後周明帝武成元

年徙青泥故城側改曰青泥關武帝建德三年改曰藍田關因

縣為名隋煬帝大業元年徙復舊所即今關是

終南山在縣南七十里

藍田山在縣東南三十里沅案元和郡縣志在縣東二十八里范子計然曰玉英

出藍田一名覆車山郭緣生述征記曰山形如覆車之象其山

出玉亦名玉山後魏風土記曰山巔方二里聖賢仙隱之處沅案

太平寰宇記引云劉雄鳴學道於此下有神祠甚嚴灞水之源

出藍田谷西又西有尊盧氏冢次北有女媧氏谷則知此地是

三皇舊居之所帝王世紀曰尊盧氏赫胥氏後魏略曰劉雄鳴藍田人少以採

藥射獵為事常居覆車山每晨夜出行雲霧中識其道不迷時

人因謂之能為雲霧晉太康地記曰藍田出美玉故曰藍田括

地志曰臣秦案聖賢冢墓記驪山之陽多美玉今縣西北四十

里有驪山即此山之北阜驪山之陽或謂此也

蕢山在縣東南二十五里事見上鄭氏曰蕢音價蘇氏曰蕢音蒯師古曰蕢音是也即怪反

沅案水經注有碓山即蕢山也碓蕢聲相近

倒虎山一名元象山在覆車山北苻堅時王子年始隱于東陽

谷後避石季龍之亂徙於此

嶢山在縣南二十里

虎候山在縣境出地道記沅案今俗云虎珂山在縣西十五里候珂聲相近字之誤也志家不知乃云虎候山



或即倒虎山非矣

金山在縣南一十里沉案今方志云金山在縣東北三十里蓋非

七盤山在縣南二十里

王順山在縣東南二十里舊圖經曰昔道人王順隱此山得道

沉案今俗呼望舜山聲之誤

阜兒山在縣東二十里鄉俗所傳嘗有一禽止此山眾禽隨之疑為鳳也因名鳳兒山語訛作阜兒山

白鹿原在縣西五里沉案元和郡縣志云六里三秦記曰周平王東遷有白

鹿遊於此原以是得名蓋秦運之象其原接南山西北入萬年縣界抵澆水晉書苻雄與桓冲戰于白鹿原晉中興書曰桓溫伐苻健督護鄧遐

等奮擊于白鹿原

風涼原在縣西南四十五里南接石門山北入萬年縣界遁甲

開山圖曰驪山之西川有阜名曰風涼原亦雍州之福地即碓

山之陰也沉案水經注引云在碓山之陰水經注曰狗柳川水有二原西川水

出碓山之斫盤谷與苦谷二水合而東北流逕風涼原西沉案舊本

脫逕字西字

橫嶺在縣北三十五里自臨潼驪山東入縣界橫接華州界

桓公堆在縣南二十五里晉書桓溫伐苻健遣苻雄等拒溫於

秋思堆後因名桓公堆

絳坡在縣東南通典曰七盤十二絳藍關之險路也

傾谷在縣東五十里

同谷在傾谷之西沉案水經注作銅谷



倒回谷在縣東南五十里霸水上源出此谷谷內通商州洛南縣界

藍谷在縣東南二十里

輞谷在縣南二十里

採谷在縣西南三十里與輞谷並有細路通商州上洛縣

石門谷在縣西南四十里唐昭宗乾寧二年行莎城鎮又次石門鎮之聖壽寺

庫谷在縣西南五十里谷有關

霸谷古滋水也亦名藍田谷水即秦嶺水之下流也東南至商

州上洛縣界流入漢書曰霸水出藍田谷北入渭古曰滋水沉案

舊本古曰上有師字蓋後人依俗本地地理志加入非也此班固自注秦穆公更名以章霸功水經注曰霸者水上地名也水出縣之藍田谷三秦記曰有川方三

十里其水北流出玉銅鐵石圖經曰其源出縣東南秦嶺倒回

谷西北流九十里出縣界入萬年縣界騫邨岸闊六十尺十道志霸

水源出終南山金谷沅案鄭樵通志地理略云霸水出永興藍田縣終南山金谷東經臨潼北入渭然長安志云霸水從上洛

界入漢今長安志無此文霸水亦無由入漢也即云入漢或由俗本字誤鄭樵以為經證非矣

金谷水出縣西南終南山之經谷水經注曰水東北流注澆水

又北流歷藍田川北注于霸沅案水經注云澆水西北流與一水澆水又北流歷藍田川北流注於霸水即此水也

劉谷水一名泥水出縣東南劉谷水經注曰水出藍田山之東

谷俗謂之劉谷西北與石門水合沅案水經注但云輞谷水又西流入泥水泥水又西逕嶢

關北此所引皆無之蓋今本脫文

銅谷水出縣東銅谷水經注曰石門谷東有銅谷水合輞谷水



西注泥水沅案水經注云西北有銅谷水次東有輞谷水二水合而西注又西入泥水上無石門谷文石門谷文在後云東川水出南山之石門谷

白馬谷水出縣東白馬谷南流經縣南又西北流入霸水

白牛谷水出縣西北白牛谷西南流入霸水

圍谷水又名岐谷水出縣西南岐谷南流入霸水

狗柳東川水出縣西南終南山水經注曰上有狗柳堡秦襄公

時有天狗來下有賊則狗吠之一堡無患故川得名焉沅案水經注云

得厥又曰狗柳東川水出南山之石門谷次東有孟谷次東有

大谷次東有雀谷次東有土門谷五水合而西北流歷風涼原

東沅案今本水經注作五水入萬年縣界沅案此五字敏求增

荆谷水自白鹿原東流入萬年縣唐邨界沅案此即水經注之長水出杜縣白鹿原

謂之荆谿也

輞谷水出南山輞谷北流入霸水

藍谷水南自秦嶺西流經藍關藍橋過王順山下水出藍谷西

北流入霸水

傾谷水自秦嶺出南流入霸

採谷水自秦嶺出北流三十里入萬年界

石門谷水自秦嶺出北流三十里入萬年界

庫谷水自南山出北流入萬年界合澆水

蓼子澗在縣南三里出南山西北流合輞谷水入霸水

咽瓠泉在縣西北一十五里舊圖經曰唐李筌於此遇驪山老

母說陰符經傳教既畢令筌取水筌乃攜瓠就泉汲水已失老



母因名咽瓠泉

桂泉在縣東北四十里泉畔舊有桂一根唐武德六年寧民令顏昶引南山水入京

冰池在縣東南六十里唐鑿冰之所

淹池在縣東北三十五里淹一作口

石門湯在縣西南四十里石門谷口舊圖經曰唐初有異僧止于此大雪其地雪融不積僧曰必溫泉也掘之果有湯泉湧出遂置舍兩區凡有病者浴多痊損後有白魚之瑞復神女頻降遂立玉女堂於湯側明皇時賜名大興湯院  
昆吾亭在縣境漢宣帝霍皇后葬亭之東  
藍田故城在縣西三十里

白鹿故城在縣西十一里

周玉山故城在縣東二十五里

唐玉山故城在縣東南四十三里有萬金堡

寧民故城在縣西南三十二里

青泥城在縣南七里案嶢柳城亦謂之青泥城即今縣是也未詳復有此城

思鄉城一名柳城在縣東南三十三里舊說宋武帝入關築城

於此南人思鄉因名之沅案說出元和郡縣志又以城傍多柳故曰柳城

尚可堡在縣東今存

明市堡在縣西南四十里

鷄子堡在縣北四十里土坡狀如鷄子因以為名



黃櫨堡在縣北三十里

漢御羞苑鼎湖宮皆在縣境

唐萬泉宮儀鳳三年建

萬全宮在縣東四十五里開耀三年詔新造涼宮為萬全宮

高宗遺言萬全芳桂奉天壽宮並停廢文明元年武后詔奉天宮置道士觀芳桂萬全各置僧寺以舊宮為名沆案會要云儀鳳三年作永清二年廢新唐書云

永清元年作宏道元年廢

勝因寺即唐法池寺也在縣城內舊圖經曰寺舊有池故以名

張說有藍田法池寺二法堂讚大中中改通靈寺後又改今名

崇法寺即唐悟真寺也在縣東南二十里王順山白居易有詩

述其靈異後改名

永福寺在縣西南三十五里本唐神堯山莊

崇仁寺在縣東北四十里唐開元二十六年置

清源寺在縣南輞谷內唐王維母奉佛山居營草堂精舍維表

乞施為寺焉

虎候山祠漢書曰秦孝公置

金山神廟在縣南十里輞谷口金山之前舊圖經曰黃帝時風

后滅蚩尤之眾於此蓋風后之祠

濟眾侯廟在縣東南五十里倒回谷口其神名石門將軍唐京

兆尹第五琦楊知至祈雨有應至乾符中歲旱詔使致禱應時

霑霈遂封濟眾侯增葺廟宇今榜助順王未詳

都神廟在縣城內會縣境諸神歲時饗於此

黃崖神廟在縣東五十里傾谷口



古華胥氏陵在縣西三十里

荆軻冢在縣西北三十里

燕子冢在縣東八里沅案今方志云漢書曰臨江閔王榮景帝

太子沅案此節其文廢為臨江王沅案漢書曰廢為王坐侵廟墮地為宮上徵榮

將行沅案漢書云榮行祖於江陵北門既上車軸折車廢江陵父老流

涕竊言曰吾王不反矣榮至詣中尉簿責訊王王恐自殺葬藍

田有數萬燕沅案漢書作萬數燕銜土置冢上百姓憐之世名燕子冢沅案

世名燕子冢五字非漢書

賀若婦冢在縣西南一十五里婦縣人也姑有疾刲股肉奉姑

疾遂愈府縣以聞敕旌表門閭名其鄉為節婦鄉口口載歲月疑唐事沅案

此條小注各本脫字

醴泉

醴泉縣唐次赤今次畿東南至府九十里沅案元和郡縣志太平寰宇記俱云東南至府一百二十里者唐及宋初治

在此縣西又案今縣東三十里舊縣即宋故城也本漢左馮翊谷口縣地在九峻山東

仲山西當涇水出山之處故謂之谷口今縣東北四十里谷口

城是沅案今縣東北十里是漢故城也王莽曰谷喙後漢魏晉為池陽縣後魏

武帝於谷口置溫秀寧夷二護軍改池陽為寧夷縣隸咸陽郡

西魏置寧夷郡後周改為寧秦郡沅案隋地里志後周改為秦郡無寧字又云以新時甘泉

二縣入焉則二縣地當在縣境也隋開皇十八年改寧夷縣為醴泉縣隸京兆

郡沅案開皇三年置雍州煬帝改為京兆郡則縣初隸雍州後隸京兆以縣界有漢醴泉宮因以

為名方輿記曰漢宣帝時聞泉味如酒故以名縣亦漢宮之名也沅案漢醴泉宮當云周宣帝字

之誤也元和郡縣志太平寰宇記並云縣以周醴泉宮名太平寰宇記又曰永壽縣醴泉苑在縣東北十里并宮並周所立宮



在今永壽縣境尋檢書傳漢時無醴泉宮也其城即古仲橋城也沉案今縣北十里是唐故城唐

武德元年析置溫秀縣案縣北有溫秀嶺當以此為名後省醴泉沉案唐書志云武德二年

分醴泉置好時縣三年分始平置醴泉縣此皆缺載貞觀十年營昭陵在九峻山析雲陽

咸陽二縣復置醴泉縣沉案唐書志云武德三年分始平置醴泉則新唐書志及此皆云貞觀十年始

復置非也隸雍州沉案唐書志云奉天縣文明元年分置好時縣天授元年

隸鼎州沉案唐書志云天授元年改雍州為京兆郡其年復舊隸鼎州二年分醴泉等縣置鼎州則此當云元年隸雍州二年

隸鼎州大足元年還隸雍州沉案太平寰宇記云鼎州久視元年廢縣仍隸府廣德元年

昇為赤縣沉案唐會要云廣德元年五月一日升又案元和郡縣志云次赤縣又案縣以乾寧中隸威勝軍尋復舊

梁乾化中又隸威勝軍後唐晉漢周仍屬京兆府此皆不載而見乾州下

縣境東西六十二里南北一百二里

六鄉管二百五十邨唐十六鄉有白鹿長樂瑤臺修文四鄉餘不傳沉案說文云邨左馮胡谷口鄉讀若

壺此缺載非也今縣東四十里有美華鄉在郭縣管邨四十四

阡東鎮是阡郭形相近字之誤通時鄉在縣西北六里管邨二十四沉案宋故城在今縣東三十里故鄉鎮山水去縣道

里多與今不同新望鄉在縣西一十二里管邨三十

崇孝鄉在縣東北一十五里管邨四十九

神安鄉在縣西北三十里管邨五十四

白涇鄉在縣北五十里管邨四十九

縣城周二里餘一百步

醴泉鎮在縣城內

北醴泉鎮在縣北二十里沉案今有甘北鎮疑是此



醴泉驛在西門內東南至咸陽驛四十五里西北至乾州奉天驛七十里今廢

名光渡在縣東北三十五里

涇甘渡在縣東北三十里

九嶼山在縣西四十里

沅案元和郡縣志云在縣東北二十五里者唐縣在宋縣西

漢書地

里志曰谷口縣九嶼山在西四夷郡國縣道記曰九嶼山東連

仲山西當涇水出處高六百五十丈周五里武將山在縣西

北五十里

一名馮山沅案元和郡縣志太平寰宇記皆云在縣東北十八里者唐縣在宋縣西宋初仍之又案地里

志云谷口有五牀山祠五牀山疑卽武將山五武將牀形聲俱相近今麟遊亦有五將山見水經注苻堅所入與此不同

芳山在縣東北五十里

一作方

覆甑山在縣東北四十五里

承陽山在縣西北七十里山有石泉三輔黃圖所謂浪水

無勞山在縣西北六十里

溫宿嶺在縣北漢時溫宿國人令居此地田牧因以爲名隋志作溫秀

甘谷在縣西八十里

泥泉谷在縣西北三十里

石泉谷在縣西北六十里

波水谷在縣北七十里

承陽山兩水谷在縣西七十里

豆盧谷在縣西北八十里

黑狗谷在縣西北九十里



巴谷在縣西北九十里

白水谷在縣西北一百里

涇水自乾州永壽縣西北流入縣界尚書禹貢曰涇屬渭汭屬隸

也水北曰汭言治水注入渭毛詩曰涇以渭濁湜湜其沚春秋左氏傳襄公

十四年諸侯之大夫從晉侯伐秦以報櫟之役濟涇而次秦人

毒涇上流師人多死以毒藥投涇水之上史記曰秦二世夢虎

噬左驂殺之卜涇為祟二世乃齋望夷宮沅案此亦節文而欲祀之沅案

史記云漢書曰涇雖不在大川之祀以近咸陽得北大川之祀

漢書注顏師古曰涇水出安定涇陽笄頭山東至陽陵入渭益

部耆舊傳曰漢武祀甘泉至涇橋有女子浴於涇水乳長七尺

上怪遣問之女曰帝後第七車知我時侍中張寬在第七車對

曰天星主祭祀齊戒不潔則女人星見水經注曰涇水導源安

定朝那縣西笄頭山秦始皇巡狩西出笄頭山即是山也蓋大

隴之異名按漢武故事張寬所對並云渭橋渭水北史曰苻堅

以關中水旱不時議依鄭白故事發其王侯已下及

豪望富室僮隸三萬人開涇水上源鑿山起隄通渠引瀆以溉園鹵之田百姓賴其利

甘河自縣西北甘北鎮西來至縣東北涇甘渡河入涇水

谷口城在縣東北四十里漢縣也溝洫志曰田於何所池陽谷

口卽此城也郊祀志公孫卿言黃帝昇仙於寒門水經注曰九

峻山東仲山西謂之谷口卽古寒門也沅案水經注但云渠首

瓠口所謂瓠中也無此文惟張守節引括地志正與此同案雲陽縣谷池水所出謂之谷口

未詳孰是

紫府觀在縣東北三十里唐太宗為道士薛頤置今廢



瑤臺寺在縣西北昭陵之西

要冊三廟一在市北一在縣西二十里一在縣西三十五里

志有天齊公五牀山仙山五帝祠四所圖經皆不著

唐太宗廟在縣西門外去縣一里

肅宗廟在縣西北三十五里

太宗昭陵在縣西北六十里

臺三鄉界古逢蒲邨下宮去陵一十八里

封內周一百二十里

陪葬諸王七 蜀王愔趙王福紀王慎越王貞嗣紀王澄曹王明

考卽用 公主二十一 清河公主駙馬都尉程懷亮晉安韋思安

密段綸長樂長孫冲遂安王大禮南平劉元懿衡陽阿史那社爾新城車正矩城陽薛瓘長廣楊師道襄城蕭銳長沙寶盧讓

安康獨孤彥雲臨川周道務普安史仁表 **妃嬪八** 鄭國夫人彭

太妃韋氏越國太妃燕氏趙國太妃楊 **宰相一十三** 周岑文本

崔敦禮司徒英國公李勣尚書左僕射魏國公李靖左僕射虞

射梁國公房元齡太子太師鄭國公魏徵高陽公許敬宗右僕

射萊國公杜如晦太尉趙國公長孫無忌沅案唐宰相陪陵尚

有宇文士及見新舊史而此不載杜如晦陪陵新舊史皆無攷

舊史云貞觀七年十二月狩于少陵原詔以少牢祭杜如晦杜

淹李綱之墓則 **丞郎三品五十三** 戶部尚書莒國公唐儉吏部

如晦墓不在此 **侍郎馬載戶部尚書武陽縣**

公李大亮衛尉卿齊國公房仁裕禮部尚書張俊允國子祭酒

孔穎達禮部侍郎孔志亮工部侍郎孔惠元散騎常侍褚亮祕

書監永興公虞世南工部尚書閣立德吏部尚書姜晦中書舍

人杜正倫殿中監唐嘉會學士姚思廉衛尉卿魏叔玉光祿卿

姜遠祕書監岑景倩宗正卿李芝芳光祿卿房光義衛尉卿房

光敏子閬州刺史誕清河郡主婿贈鴻臚卿竇庭蘭金州刺史

盧貞松天策府記室薛收宗正卿段倫金紫光祿大夫長孫璿

贈史部侍郎安府記室太史令薛頤銀青光祿大夫李震洪州刺



公李規琅琊公李珍常山公李倩千金公李俊中山公李瑀汝  
 州別駕房漸左清道率房回江夏郡王道宗夔國公劉宏基雍  
 州長史李弼特進觀國公楊仁恭原州都督史幼虔陝王府司  
 馬謙芮國公豆盧行業西平郡王李琛簡州刺史建寧公李震  
 安南都督姜簡**功臣大將軍以下六十四**大將軍薛賢公阿史那忠開  
 德右驍衛大將軍嘉川縣公周仁護鎮國大將軍丹陽公李客  
 師大將軍雁門公梁建方左鎮衛大將軍周國公鄭仁泰益州都督王  
 衛大將軍翼國公秦叔寶大將軍周國公鄭仁泰益州都督王  
 惛輔國大將軍劉宏基武衛大將軍牛進達公孫武達阿史那  
 什鉢苾金吾大將軍劉宏基武衛大將軍牛進達公孫武達阿史那  
 軍仇懷古大將軍薛咄摩芝大將軍蘇花熟大將軍漢東公李  
 孟嘗光祿大夫芮國公豆盧寬大將軍蘇花熟大將軍漢東公李  
 那道真左武衛大將軍天水郡公邱行恭金紫光祿大夫賀蘭  
 整大將軍張太師冠軍大將軍許洛仁大將軍張延師大將軍  
 瑯琊王駢右衛大將軍冠軍大將軍奈左武衛大將軍懷德縣公牛伯  
 億左金吾大將軍梁仁裕右屯衛大將軍金城郡公姜確左監  
 門大將軍王波利大將軍李森大將軍阿史那德昌右監門將軍執  
 大將軍史奕大將軍房光忠內侍將軍張阿難橫野將軍都督拔  
 失善左金吾將軍房光忠內侍將軍張阿難橫野將軍都督拔  
 野鐵都督渾大寧史氏耐將軍盧國公程知節于闐王尉遲光  
 母阿史那氏耐將軍仇務薦右武衛大將軍懷寧縣公杜君綽

大將軍麻仁靖右監門大將軍賀拔儼將軍魯何道將軍楊思  
 訓將軍元仲文將軍豆盧承基將軍斛斯正貴將軍徐定盛將  
 軍康野將軍段志元將軍薛萬鈞將軍元思賢將軍李承祖中  
 郎薛承慶右郎將尉遲昱右衛郎將姜昉中郎將段承爽案陵  
 廟記圖然所載陪葬諸臣姓名差舛恐未得詳或有不當陪葬者更須參校乃善**所乘六駿石像在陵**  
**後青騅平寶建德時乘**讚曰足輕電影神發天機乘茲飛練定我戎衣  
**充寶建德時乘**讚曰瀝澗未靜斧鉞申威朱汗特勒騾平宋金  
**剛時乘**讚曰應策騰空承聲半**颯露紫平東都時乘**讚曰紫鷲  
 神殿氣聳三**拳毛騮平劉黑闥時乘**有石真容自拔箭處讚曰  
 川威凌八陣**白蹄烏平薛仁杲時乘**讚曰倚天長  
 按轡天駟橫行弧矢載戢**回鞭定蜀**寢宮在山上元無井泉百姓供水勞弊後經野火徙  
 登轡平隴**寢宮在山上元無井泉百姓供水勞弊後經野火徙**  
 訪近臣傑議然後葺焉



肅宗建陵在縣東北一十八里武將山修文鄉劉邨四十里下宮去陵五里陪葬功臣一

尚書汾陽郡王郭子儀

沅案載昭陵陪葬者此外有陵廟記唐會要文獻通考昭陵圖及近人讀禮通考諸書所載各有譌舛蓋陪陵例有三一賜葬如諸王公主妃宰相丞郎功臣大將軍也二祔葬子從其父孫從其祖與特賜葬異也三石刻諸蠻夷君長後人亦誤以為陪陵也新舊史所紀但賜葬者故與諸書異沅自官關隴前後十餘稔嘗以案部周覽古王賢哲墓道不修樵牧上下心用慨焉其在祀典者諱

帑修護餘亦立石書名飭縣勿損昭陵在醴泉縣東北五十里以乾隆四十二年八月飭知縣張心鏡特起圍牆立碑亭十餘所四十八年十月又飭知縣蔣騏昌復加修築並立碑紀事又東西立石書陪葬諸臣名位以垂久遠後之好古者庶有述焉因以碑文附于此志  
大清防護昭陵之碑

兵部侍郎兼都察院右副都御史巡撫陝西西安等處地方贊理軍務兼理糧餉 欽賜一品頂帶黑氈纓

夫如堂者密實惟帝之園時積高曰雍乃神明之冢舍是以尊盧虛隴尚仿像于藍田西海衣冠必封崇于上郡何況龍蟠大壑比鄙聚之聲靈天命元宮繼長陵之功烈者哉醴泉縣西北六十里九峻山唐太宗文皇帝昭陵之所在也帝提劍乘天握圖出震驅除吞噬彈壓殷齊白魚赤帝之祥版泉丹水之跡讓黼展而肅五日之禮遇斧斨而正二叔之辜浮



長安志卷第十六  
三  
龜不足效其文斷鼇不足媿其武帝系之所傳史牒之所頌  
盡美又善無得而稱焉原其終始靡間歸藏乃若山陵有彰  
聖哲且夫雄略之主必旁皇乎上仙蓋代之氣每綢繆于沒  
世水衡灌地將爲江河玉桃服尸思畢天地故以七十餘萬  
驪山窈治之徒一萬六千茂陵大徙之戶帝則深遵節約厪  
鑿嵯峨似委宛之桐棺擬穀林之通樹萬乘之貴悟旨莊周  
獨決之明徵言季札克終后志遂下王言侍衛減于常儀瓦  
木止于形具此則帝之儉也臧弓享狗志士因而拊心長頸  
烏喙哲人于焉長往子胥抉目于吳闕彭越覆醢于淮南未  
嘗不掩浸潤之明損豁達之度帝則我言嫵媚推心置腹之  
誠袒見瘡痍丈夫意氣之語暨乎鼎湖簞去閔墮地之空號

樂水和存想張朝而再見金枝玉葉左武右文前部鼓吹東  
園祕器祁連之冢互馳道以如山纛纛之文蔽元宮而似壘  
此又帝之仁也兵者凶事不得已而用之守在四裔將羈縻  
而勿絕然奇肱之車飛而偶至長臂之服通而復迷帝則薄  
伐之勇係馘于明堂畏懷之徒輸誠于身後至使酋豪謝罪  
慕濺血于墳沙蕃長歸朝門圖形于元闕拜官尙主天下一  
家椎髮雕題駿奔左右此又帝之大也昔者宣尼遺訓古墓  
無墳漢臣陳言南山有隙亡羊之牧歛誤入于三泉踞虎之  
邱驟見傷于敵國帝則流連翰墨眷惜鍾王以堯典之同棺  
當佳城之銘椁卒令沙邱之字勢怵于登堂寶鼎之埏力窮  
于發弩嗟爾後世似有先知倒我衣裳詒之繭紙此又帝之



長安志卷第十  
三  
智也若乃宣室之問不信無徵墨翟之言將聞豈見鬼雄非  
毅魂氣何之楚平一去被辱于仇鞭武皇見形憤心于磨劍  
帝則歸復于土陟降在天呼嘯若瑾之神叱吒投壺之電黑  
雲閃野遏妖寇于咸陽黃旗立空禦賊軍于華澤皇堂奏異  
血汗如神祖龍無所用其驅蚩尤不足比其縱此又帝之靈  
也帝緝熙之德不懈于生存服畏之思彌光于奕祀故能奠  
不朽之基業享絕代之明禋置廟設祀建隆開寶之遺陵尸  
豐碑洪武崇禎之蹟我

國家光宅八表懷柔百神屢致馨香頻加守護使星夜出映  
園寢之神光賚火朝輝襍封中之雲氣沅守官關隴案部池  
陽瞻拜神宮周游墓道其山也北據寒門之坂南帶甘泉之

流右睨溫秀之峯左眺樵穫之藪巖巒巖嶽巒三峻角其雄名  
澄道盤紆九疑爭其遠勢非烟非霧立而望之鬱鬱蔥蔥佳  
哉氣也而風高壤裂石室摧基地阻荆生陰堂絕棧樵蘇下  
上曾無百步之防鏹甬侵凌或至諸臣之冢穹碑半剝翁仲  
全傾因以乾隆四十二年檄築圍牆三十餘丈大書瓦屑豔  
分蘋隸之奇列植松楸芡舍甘棠之敬旋因入覲  
上適疇咨始知聰明之德久契乎

聖懷平成之歡待格乎神漠沅再之官又踰五稔兼營祠宇  
特用陵租知縣蔣君能平其政實任斯勞恐古墓之爲田考  
陪陵于往牘紀其名位復立貞珉仰體

皇謨光昭來者將與會稽窆石共磨滅于苗山風后神堆謝



浮沈于黃水游心隨武九原可作之臣宁想非熊五世歸周  
之葬風雲如會陵谷長存豈止狄山之紀久迷視肉之方濟  
陰之祠但獲龍魚之瑞云爾

乾隆四十九年閏三月望日醴泉縣知縣蔣騏昌立石

孫星衍醴

泉縣志昭陵陪葬考云案長安志載陪葬名位後云案陵廟  
記圖然所載陪葬諸臣名位差舛恐未得其詳或有不當陪  
葬者更須參校乃善敏求此言蓋其時未暇考史也陪葬名  
位當以會要長安志為本而證之史蓋二書最先出文獻通  
考及讀禮通考舊志皆因之會要所記妃七人王七人公五  
十八人宰相十二人丞郎三品以下五十人功臣大將軍五  
十七人校諸書為簡核然考宇文士及陪陵見于新舊史契  
苾何力公孫武達陪陵見于新舊史及方志而皆不載是其  
疏也豆盧承基或作仁業或作承業字多不同舊史云豆盧  
欽望父仁業宰相世系表作承業京兆金石錄有碑作承基  
嘗見萬年宮碑陰題名正作承基則是一人字作承基者是  
而會要已有仁業又有承基又前岑文本云並男景倩後文  
有岑景倩是其謬也右衛大將軍李思摩以蕃王附葬見于  
新舊史其薩寶王贊普即劉書吐蕃傳所稱贊普棄宗弄讚

高宗授為駙馬都尉者新羅王女真德即新羅傳王善德妹  
真德永徽元年大破百濟之眾者二人但刊石像形于昭陵  
元闕之下而以為陪陵又其謬也岑文本云並男景倩房光  
義云並男原州別駕暉咸陽縣丞耀房光敏云並男景倩房光  
史誕是明其附今考馬觀載子載周子孔元惠志約子志約  
穎達子姜晦及皎遐子遐簡子簡確子唐嘉會儉子魏叔玉  
徵子豆盧真松承基子承基寬子蕭業銳子李政明李客師  
靖弟尉遲寶琳敬德子阿史那道真社爾子楊思訓恭仁子  
此皆無奇異功績直附其父故不得與陪陵同史例不載而  
會要列在陪葬不云並男又其謬也其時有功臣子弟實又  
陪陵而非附葬者若蕭銳之不因瑀程處亮之不因知節史  
則載之亦不可不知也江夏王道宗卒于象州新書云始諸  
王妃主自垂拱後被害者皆棄掩之神龍初詔州縣普加求  
訪諸王皆陪葬昭獻二陵道宗陪葬或以此時與襄武王琛  
亦復有功此二人實是陪陵當次在諸王末而與承郎同列  
又臨淮公李規瑯琊公李珍常山公李倩皆越王真子千金  
公李俊曹王明子李之芳承祖子承祖煜子煜蔣王暉子中  
山王李瑀休道子休道亦蔣王暉子此數人皆應附諸王而  
與陪葬諸臣並列又其謬也至以瑯琊王冲為駢蕭守業為  
蕭業之類或由字誤不足論已長安志于公主中增潯陽汝  
南常山妃嬪中增寶卿妹石塔宰相中增杜如晦丞郎中脫  
姜晦增段倫長孫璿安康伯辭頤銀青光祿大夫李震功臣



大將軍中無李思摩薛寶王讚普新羅王女真德而增王愔  
劉宏基牛進達公孫武達阿史羅什鉢苾梁傲阿史那社爾  
仇懷古賀拔儼楊思訓姜昕文獻通考用會要文亦增賀拔  
儼楊思訓姜昕考李思摩舊志稱其封王化王贈兵部尚書  
夏州都督陪葬昭陵立墳以象白道山公孫武達新舊史皆  
云陪葬牛進達雖史無陪葬事而有佐命之勞見秦瓊傳或  
史闕其陪葬事師訓恭仁子或附其父則其所記實足補會  
要之缺矣若杜如晦陪陵新舊書皆無案舊史云貞觀七年  
十二月狩于少陵原詔以少牢祭杜如晦杜淹李綱之墓太  
平寰宇記萬年縣杜如晦墓在縣南三十里大趙邨則非陪  
陵明也阿史那社爾已見駙馬都尉王愔即蜀王愔已見諸  
王輔國大將軍劉宏基即夔國公劉宏基已見丞郎又見功  
臣阿史那什鉢苾即突厥利可汗阿史那什鉢苾亦在諸蕃  
君長昭陵刻名之列而誤以為陪葬此其謬也至所紀諸臣  
官位亦多與史不合然則會要長安志及文獻通考得失可  
考見矣近讀禮通考大都據京兆金石錄碑凡唐臣葬醴泉  
邨九峻山後三十里不在文獻通考所指一百二十里墓田  
之內安得謂之陪葬也又其重出者前有寧州刺史竇義節  
後有寧州刺史賈義節前有牛伯億後有子伯億前有原州  
都督李正朝後有原州都督李政明又不知張大師為延師  
之兄而云張俊允子無大師又以俗本文獻通考常山公李

倩字誤為常州公而云常州司馬懷節第四子又仇懷古作  
仇懷古琅琊王冲作駢岑文本子景倩作方倩云身字之誤  
李客師作容師如此之類抑亦疏矣縣志之長仇懷古作吉  
同萬年官碑陰題名公主中多三人妃一人同長安志其載  
盧赤松西平王安實補諸書所無然誤閣立德為立本牛進  
達為申進達執失善為龔善劉宏基為宏真又誤入薛仁貴  
之類舛錯甚多今悉正之其范文光周錫圭諸君所考大都  
長短互見亦擇其善若宇文士及陪陵與金石志蕃王刻石  
之考證則星衍有力  
焉前人未之及也



長安志卷第十六終

思賢講舍校刊



